



20
21
22
23
24
25
26
27
28
29
30
31
32
33
34
35
36
37
38
39
40
41
42
43

古130
854.1
印-26





金石萃編卷七十一

賜進士出身 誥授光祿大夫刑部右侍郎

唐三十一

法藏禪師塔銘

銘橫廣三尺三寸五分 高九寸 共三十一字 正書 首題隸書

大唐淨域寺故大德法藏禪師塔銘并序

京兆府前鄉貢進士田休光撰

世之業生滅若輪環者則雖塵沙作數草木為籌了無

遺織哉吁不可知者其惟流浪乎夫本性生於水中存

月以凡空聖從道場而至道場口因及與非前際而於



金石萃編卷七十二

京賜進士出身 誥授光祿大夫刑部右侍郎加七級王昶謨

法藏禪師塔銘

法藏禪師塔銘

銘橫廣三尺三寸高二尺九寸共三寸六分行行三十字正書首題隸書

大唐淨域寺故大德法藏禪師塔銘

贈京兆府前鄉貢進士田休光撰文

世之業生滅若輪環者則雖塵沙作數草木為籌了無

遺纖芥吁不可知者其惟流浪乎夫本性生火水中有

月以凡筌聖從道場而至道場口因及異非前際而於

後際行之於彼得之於此禪師諱法藏緣氏諸葛蘇州
吳縣人昔羣雄角力三方鼎峙蜀光有龍吳恃其虜瑾
之後裕蟬聯姑蘇曾祖晉吳郡太守蘇州刺史秘書監
銀青光祿大夫上柱國開國男大父穎隨閩州刺史銀
青光祿大夫父禮
皇唐少府監丞吳會旗裳東南
矯旒洗墨而清夷落衣錦而燭江鄉山海禁錢蓬萊秘
府屢遊清貫歷拜寵章禪師卽蘇州使君之曾孫少府
監丞之第二子也年甫二十六其殆庶幾知微知章克岐
克嶷此寺大德欽禪師廣世界津航人非鑽仰禪師伏
膺寂行口備師資因誦經至末徽中頗以妙年經業優

長奉

勅爲濮王度所謂天孫利益禪門得人禪

師自少出家卽與衆生作大善知識道行第一人天殊
勝開普門之幽鑰酌慈源之蜜波由恐日月居諸天地
消息每對天龍八部晝夜六時如救頭然曾未暫捨非
乞之食不以食以至於頭陀非掃之衣不以衣得之於
蘭若禪師自少手老駝駝象馬莫之聞乘也以爲鎔金
爲像非本也裂素抄經是末也欲使賤末貴本背僞歸
真求諸如來取諸佛性世二相八十種好衆生對面而
不識奈何修假以望真且夫萬行之宗衆相之本生善
之地修善之境禪師了了見之矣夫鍾鼓在庭聲出于

外如意元年

大聖天后聞禪師解行精最奉

制請於東都大福先寺檢校無盡藏長安年

又奉

制請檢校化度寺無盡藏其年又奉

制請爲薦福寺大德非禪師或固居龍象之首清淨
開人倫之目不然焉使
天文屢降和衆相推揚

覺路之威儀總禪庭之準的護珠圓朗智刃雄鳴伏違
順之鬼魔碎身心之株朽廢情屬境卑以自居如谷王
之流謙百川委輸若周公之吐哺天下歸心菩薩下人
名在衆生之上悲哉三界即火宅之所四大將歲時之
速旣從道來亦從道去遂拂衣掩室脫烏繩牀惟惚惟

慌不驚不怖粵以開元二年十二月十九日捨生于寺
報齡七十有八門人若密考妣乃相謂曰和上云亡吾
徒安放乃拔面相視仰天椎心卽以其年十二月廿口
日施身于終南山楞梓谷屍隴林由是積以香薪然諸
花疊收其舍利建塔睹波于禪師塔右自佛般入涅槃
于今千五百年矣聖人不見正法陵夷卽有善華月法
師樂見離車菩薩愍茲絕紐並演三階其教未行咸遭
弑戮有隨信行禪師與在世造舟爲梁大開普敬認惡
之宗將藥破病之說撰成數十餘卷名曰三階集錄禪
師靡不探蹟索隱鈎深致遠守而勿失作禮奉行是故

弟子將恐頽其風聲乃掇諸景行記之于石銘曰
有若禪人凝稜心不易兮身世瀕洞探討真蹟兮寂行
冲融渙若冰釋兮軒裳蟬聯晴暉相射兮弈襲不染乾
乾衣錫兮蕭灑誼譁地自虛僻兮鑿關洞開亡珠可索
兮吾將斯人免夫過隙兮魂兮何之聲流道格若使天
地長久而可知即相與撫實刊之于石兮

開元四年歲次景辰五月景子朔廿七日壬寅建

右碑題云大唐淨域寺故大德法藏禪師塔銘八分
書京兆府前鄉貢進士田休光撰文正書無姓名或
即休光書也開元四年五月廿七日建按序俗氏諸

葛蘇州吳縣人爲瑾之後曾祖詈吳郡太守蘇州刺
史大父頴隨閬州刺史父禮皇唐少府監丞以名賢
後裔不應舍族披緇但云年甫二六奉勅爲濮王度
則當時爲后主太子諸王刺染者皆搢紳子弟可知
也濮王即太宗子魏王泰泰以貞觀二十一年改封
碑云師于開元二年捨生報齡七十有八則剃度在
永徽三年正泰開府置僚屬時也

金石錄補

按碑稱隨信行禪師撰三階集錄數十卷隋經籍唐
藝文志皆未載予又攷隋書文學傳有諸葛頴者丹
陽建康人官著作郎終正議大夫未嘗爲閬州刺史

其父名規梁義陽太守亦不名警則與法藏之祖雖同時而非一人矣

潛研堂金石文跋尾

按田休光非工文者碑文語多踈謬如叙禪師之曾祖警既云吳郡太守又云蘇州刺史隋書地理志吳郡陳置吳州隋平陳改由蘇州大業初復曰吳州隋書百官志郡置太守州置刺史文獻通考云開皇三年罷天下諸郡以州統縣大業三年又改州為郡郡置太守至唐武德元年又改郡為州改太守為刺史警仕隋時若在開皇以後則當稱蘇州刺史大業以後當稱吳郡太守二者斷無同

時並稱之理下云上柱國開國男不著所封某縣之爵又既叙曾祖警銜名于前矣而後又復云蘇州使君之曾孫皆行文之無法者文稱如意元年奉制于東都大福先寺檢校無盡藏河南通志福先寺在河南府城東三里唐神龍元年則天創建据碑如意元年已有福先寺不待神龍元年殆河南志誤也文又去長安年奉制檢校化度寺無盡藏長安志皇城義寧坊南門之東化度寺本隋真寂寺武德二年改化度寺寺中有無盡藏院敬宗賜化度經院金字額文又云其年又奉制請為薦

福寺大德長安志開化坊南大薦福寺本襄城公
王第襄城薨市爲英王宅文明元年高宗崩後百
日立爲大獻福寺度僧二百人以實之天授元年
改爲薦福寺中宗卽位大加營飾自神龍以後翻
譯佛經並於此寺据碑則長安年已請師爲大德
其時薦福必非頽廢者是營飾之役不待中宗時
矣然長安志要自有據碑蓋鋪陳師之歷主大寺
爲朝廷所隆禮如此恐非盡實錄也

賀蘭氏墓誌銘

石高一尺七寸七分廣一尺六寸四分十六行行十七字正書

大唐太常協律郎裴公故妻賀蘭氏墓誌銘

序

夫人賀蘭氏曾祖虔隨上柱國祖靜
牛父元哲潞州司士並宏翰深識布聲於代夫人卽協
律之姑女也童姿粉妍笄態瓊淑惟德是與乃賓我裴
公宜其鏘鏘和鳴晏晏偕老女也不慝天胡降灾綿聯
沉痾三浹其歲泊大漸移寢於濟法寺之方丈蓋攘衰
也粵翌日奄臻其凶春秋匪有因卽開元四年十二月
十日至十九日遷殯於鴟鳴埕實陪信行禪師之塔禮
也夫坦化妙域歸真香瑩衡之冥果則已无量有子太
元等或孩提而孤擗慄以泣嗚呼生人之至艱也裴公

傷奉倩之神痛安仁之箴圖範貞石碑光泉門銘曰
芙蓉劍子蛟龍質梧桐枝子鳳凰匡天何爲子降斯疾
俾雄雌子歡不卒延津女林奄相失千年萬古哀白日
按此碑題曰太常協律郎裴公故妻賀蘭氏與集
古錄所載陸贄撰之賀蘭夫人墓誌蓋別一碑彼
碑是秘書監陸公夫人贄之曾從祖母也賀蘭氏
北周書賀蘭祥傳云先世與魏俱起有紇伏者爲
賀蘭莫何弗因以爲氏後有鎮武川者因家焉碑
叙先世曾祖虔祖靜父元哲隋唐書俱無傳文云
洎大漸移寢於濟法寺之方丈蓋攘衰也攘衰二
字未詳下云遷殯於鴟鳴埕實陪信行禪師之塔
鴟鳴埕卽榭梓谷在長安縣南六十里信行禪師
塔院卽百塔寺賀蘭夫人病則移寢於濟法寺之
方丈殯則遷陪禪師之塔不知其何謂而碑猶謂
之禮也此果何禮耶其時夫人卒年四十四其夫
裴公尚在又不言與寺僧有何瓜葛而卒於寺附
於塔恬不爲怪可知唐時士大夫於喪禮之廢蓋
已久矣

葉有道碑

裴本高廣行字
俱無考行書

唐故葉有道先生神道碑

并序

梧州刺史李邕文并書

昔者誕發老君道純天地生得夫子身負日月且時宰
不宗主人勿用矧乎埋照後谷潛盤窮山幽姿蛻於塵
容素尚允於仙類豈辟命行矣爵服縈之而已哉公諱
國重字雅鎮南陽葉縣人也自少典錫羨高卒纂緒陶
唐重熙后稷邁種文王之囑乃食於沈尹戌之子載封
於葉受氏享國大哉邈乎逮乎祖乾昱克壯其猶永孚
於德墜戶習隱塞兌億坤碩膚長材通理博藝雖安車
累至而堅卧固辭故慶祚克開后壽維永矣厥考道與
性守宮庭道敷邦國居鬼從地率神從天受籙以恒之
飛符以北之扼魍魎之邪劉臺台之祟有足竒也至於
揮札落經引弓貫革特起五部廣推大餘侯誰嗣哉先
生靈承道宗異聞訓誘弱喪文貌幼尚純薦仙骨有象
童心不萌專精五龍遍遊羣岳聰以達遠明以察微達
死生之占體物氣之變嘗靜貞動耗息影歸止雲外口
壑林巢仙居人絕不鄰道阻且右獨在幽勝永歌隱淪
放聞保和習虛致靜掘五石之髓擷三芝之英時哉不
畱歲聿其逝緇髮純漆韶顏渥丹事適靈同神與道媾
惟寂惟寞不飲不食數十載於茲乃昇聞帝庭駿發皇

眷簡才受命降尊加禮將之以文馬速之以暢轂先生
盱眙長揖握手高謝曰自昔帝舜登庸德輝允鑠光武
繼統吏道孔嘉且薛方逢萌備外臣之禮虞仲夷逸終
處子之業豈垢俗疵物偏貢介性將採道慕類坐致竒
齡使者蓄而之疑申遠行之旨乃周覽廬室躬省倉廩
考疇人之疆晦許家童之作業皆儉以遵約安能維始
味不甘口色無養日信以爲著誠去僞敢守難奪順風
可卽強起曷至焉遂虛覲復命慙歎聞列朝廷企其高
渴其道聆嘉聲而屬口者豈勝言哉有司以天元書缺
星度官弛亡五德之運謬四時之分荆鬼越祥不知所
況子亥母癸烏識其原皆乘遽遠尋請益傳受可謂繩
誠列而曲直徵衡誠懸而輕重立粵惟博物君子豈伊
小說鯁生嗚呼天不持久人將復歸積年迫於期頤遠
志屈於摧落卜地幽石託墳清林逸人不追國士靡憲
泉石沮色鄉縣失聲豈無他人惟子之故嚮子慧明贈
銀青光祿大夫歙州刺史公因替厥繇代增其業啓秘
錄之高妙揚馨津之洪波道微若聲心磨若氣吹律煖
谷運驪知天屢下辟書終不應命孫子景龍觀道士鴻
臚卿越國公幼得父書早傳成法竇念有訓邁迹自身
讀天下之書備方外之術火滌淫祀劔誅羣妖恩開五

君名動四國其人也排金鎖謁紫庭爲帝傲吏出也法
玉京坐麤寺作仁宗師故能大匠道門冢卿朝右禮食
軒座寓直禁癘矣嘗以理氣自強登老益壯雖暮景急
節而純孝孔哀是獻封章願拜墳墓有軼帝念載彤王
言神札以飛傳瑞乃發羣公帳餞列蕃郊迎朝章有輝
鄉人皆慶枉以末技揚於孝心惟先志以追遠立豐碑
以紀德夫何閒然其詞曰

宗門素履家代隱仙道一相孕薪火交傳黃公術左赤
水珠聯道開幽鍵性與真筌一門累祖四世百年抗迹
巖谷消聲天地卓尔遐舉藹然高致蔚以臭焚珠以明
墜人則有心徵亦不至保身匪媮全樸爲利孝孫增業
明辟順風志嘗無忝事或不同徵賢朝滿舉逸山空曷
由高枕克謝代工測微達變盡規納忠皇眷雖渥孝思
亦深章服粲粲傳駟駟載違延闕是展墳林紀石追
遠昭銘率心孝終事立榮歿寵今遐超古始永憲江南
開元五年歲在丁巳三月七日

此碑似經重刻乃李字之瘦勁有骨力者莫過于此
而始終全完如此石者更不易得葉先生種種奇行
知非虛設北海記載隱而不沒略而不漏深得述二
氏異端之法始知人主一心不但四海生人望之督

導卽萬靈幽閔受其鞭策漢之武唐之靈竒人幻術
類集一堂不可誣也唯宋之真徽無二帝之才殆兒
戲耳使移其心于文帝之清淨文皇之仁義則于人
道之近王道之易豈不更臻其上理哉後世曲士言
及恠異以爲矯僞是以于吾儒祈天永命之法亦眛
以爲幽遠而不可幾世之下衰亡惑也回評此碑而
并及之以告後通天人之故者

墨林快事

有道先生葉公碑李邕行書石在山東金鄉縣

屠隆考槃

餘事

有道之子慧明孫法善三世爲道士明皇時法善見

尊寵其祖若父之墓碑邕皆撰而書之可謂濫矣書

法秀逸閑雅不見欹側之態蔡君謨謂是邕書最佳

者良然

金石文
字記

唐開元間松陽葉法善以道術遭遇元宗時李邕爲
處州刺史邕以詞翰名世法善求邕與其祖有道先
生國重作碑邕從之文成請并書弗許一夕夢法善
請曰向辱雄文光賁泉壤敢再求書邕喜而爲書未
竟鐘鳴夢覺至丁字下數點而止法善刻畢持墨本
往謝邕驚曰始以爲夢乃真邪世傳此碑爲追魂碑

處州府志

按此碑立于開元五年亦題梧州刺史李邕文并書與開元三年少林寺戒壇銘之題梧州刺史李邕者同邕左遷括州司馬不爲刺史彼碑已言之詳矣此不必辨據書譜引高似孫緯略載李邕所遺諸碑名少林戒壇碑本不在數內而有道先生葉公碑則有之似不得又謂之託名也然開元三年邕左遷括州司馬史傳昭然不能援碑以誣史誤則此疑終不能明矣書譜又引法帖神品目云追魂碑李邕書在松陽永寧觀處州府志遂謂邕爲處州刺史法善求邕與其祖有道先生國重作碑卽追魂碑也此語尤謬不足置辨葉國重兩唐書無傳其孫法善傳亦但及其父云先天二年贈歙州刺史卽碑所云允子慧明贈銀青光祿大夫歙州刺史也傳又稱法善自曾祖三代爲道士皆有攝養占卜之法而不詳列其名以此碑證之則曾祖爲國重之父道興祖卽國重父卽慧明已合于傳曾祖三代之語而碑又有道興之父乾昱亦瑾戶習隱塞兌億坤是爲法善之高祖下迨法善是五世爲道士矣史稱法善括州括蒼縣人碑稱國重南陽葉縣人蓋括蒼是其遷居南陽是其族

望也下云文王之允乃食于沈尹戊之子載封于
葉受氏享國大哉邈乎風俗通沈尹戊生諸梁字
子高食葉于葉因氏焉通志氏族畧葉氏舊音攝
後世乃與木葉同音也碑後云孫子景龍觀道士
鴻臚卿越國公而不署其名卽法善也傳稱睿宗
卽位法善有冥助之力先天二年拜鴻臚卿封越
國公止于京師景龍觀又贈其父爲歙州刺史碑
言法善雖暮景急節而純孝孔哀是獻封章願拜
墳墓惟先志以追遠立豐碑以紀德云云是卽先
天二年得父封後卽自長安回括蒼立碑于祖父
之墳墓也先天二年卽開元元年碑則立于得父
封後之五年法善生卒之歲兩傳皆有誤文舊傳
云法善生于隋大業丙子死于開元庚子凡一百
七歲八年卒所謂八年必是開元是年庚申非庚
子也自大業丙子至開元庚申祇一百五歲非一
百七歲也新傳云開元八年卒或言生隋大業丙
子死庚子蓋百十歲云則亦誤也而要之法善生
隋大業丙子推其祖國重之生約畧前五六十年
是在南朝梁陳之交碑所云將之以文馬速之以
暢轂不知何朝何帝之事碑未明言無從考矣

姚彝神道碑

碑高七尺三寸廣四尺九寸三十二行
行僅四十九字正書在洛陽許家營

大唐朝議大夫光祿少卿虢縣開國子□□姚府君神

道之碑并序

朝議郎檢校秘書少監□□□撰

正議□□□□□□□書

原夫道之所運坦乎大方情之所鍾勸非恒數積善餘

慶則吳有延陵喪子□□□□□則魯有□□□

□□□□□□□闕下哀詞載感行路况乎華歲陽止摧

蘭秀於謝庭□月□明落珠□於隨掌□□□□□

□□茂麝□□□□□□□其闕下曾構蕃於

夏菜克生俊彥必復公侯□勲烈而載□□席寵□□

□□□□□□□□□□□□□□□□□□□

□□闕下嗣祖善意□□皇朝銀青光祿大夫□州刺

史□□□□□□□□□□□□□□□□□□□

□□□□□□□□□□□闕下翼子於三台歿為貴神榮

親於八座父崇紫微令兼兵部尚書梁國公開府儀同

□□□□□□□□□□□□□□□□□□□闕下也稟

五常之精粹含未氣之淳和幼而韶明長而英達學禮

而立行中□□學詩以言文□黼藻□□□□□□

□□□□□_闕警衛升雲陛以周旋惟彼儲闈幸求端
士出納初命尤籍正人乃除君太子通事舍人□□□

□詞令□□□□□□□□□□_闕下國所資尤重符節

大夫元服 天子信臣妙季兼之可謂□□□□

□□□考□□之□□□□之□□□□□□□□□□

_闕下勝慙迂令望言佐近藩出為延州司馬雖屈我□□

踏蹬□□□□□□□□□□□□□□□□□□□□

□□□□□□□□_闕下晉城寶利將□□金軍國所儲於

是為大乃除君隴州□□未到官□□□□□□□□□□

□□□□□□□□□□□□□□□□□□□□_闕下以清白□進

朝□休之封號縣開國子食邑四百戶奄宅方國傳之

子孫□□□□□□□□□□□□□□□□□□□□□□

□□_闕下鄧之境乃拜鄧州刺史兼檢校商州運漕武

關之外方城□臨□□□□□□□□□□□□□□□□

□□□□□□□□□□□□□□□□□□□□_闕下就日將何克堪况奠川滌

源疏山通道盡賦不足以供郵傳□□□□□□□□□□

□□□□□□□□□□□□□□□□□□□□_闕下使人

勞而無怨義然後稅均不患貧□州□軍莫敢□竄□

浴畢□□□□□□□□□□□□□□□□□□□□□□

□□□□□□_闕下恂會稽之辭劉寵不是過也 上

以形于遠方尤技能吏竟抑而不

易擾勞絲不綱君褰帷到官乘傳按部威令頗振

闕下命坐為泉藪亂繩

闕下豪傑禁專任以恕而人不忍欺大削煩苛而物皆

遂性朝廷之拜光祿少卿州

闕下厥政貳金鼎之重司玉食之珍

行職修名劭身泰時命公

睿

之色九班留滯四載不方於朝賢

斯之者也允所謂謙謙君子無競惟時溫溫恭人

闕下祐粵以開元四年歲次景辰八月廿六日薨

疾終於東都慈惠里第春秋

頻遣使問

嗟乎異方靈草不植中原近古名香無聞今日營魂莫

返命何言

主上聞之

促而禮備哀榮以其年十一月癸酉朔十八日庚寅葬

於東都萬安山之南原禮也

闕下存惟君至性過人少而

外遊必有方恒營

□□□□□□□□□□□□□□_闕實因心□邀浮

名尤慎內□□□□後進賞接名流纖能□□□□□□

□□□□□□□□□□□□□□□□□□□□□□□□

□□□□□□□□□□_闕疾衆賢□歎□□憂惶咸□由衷有逾恒禮□□

□□□□□□□□□□□□□□□□□□□□□□□□

□□□□□□□□□□□□□□□□□□□□□□□□_闕公以□子□爲家之寶存不

伸其用歿必揚其名□□□□□□□□□□□□□□□□

儒□□□□□□□□□□□□□□□□□□□□□□□□_闕然□□_闕

邁德□□□□□□□□疆祚分虞后績著□□施于□□□□

□□□□□□□□□□□□□□□□□□□□□□□□_其忠良□□□□□□□□□□□□

□□□□□□□□□□□□□□□□□□□□□□□□_闕子冲年□□侍從丹禁優遊□

□□□□□□岳□□□□□□□□□□□□□□□□□□□□□□□□

□□□□□□□□□□□□□□□□□□□□□□□□_闕宸展威徹台

庭郊原寂寂延筵冥冥夜臺不曉泉□長扁式□百行

□□千齡_其五

開元五年四月廿七日弟正議大夫行太子中舍人

上柱□□縣□□□□建

開元五年四月立崔沔撰徐嶠之正書在洛陽許家

營寶刻類編有此碑云崔沔撰今碑缺沔字劉昫

唐書姚崇傳云長子彝開元初光祿少卿宰相世系

金石錄卷二十一
表彝鄧海二州刺史碑云拜鄧州刺史金石略有徐
嶠之書光祿少卿姚彝碑注云西京碑雖缺名知卽
是也彝卽懿之孫祖孫墓碑皆嶠之所書墨池編稱
唐之工書者多求其三葉嗣名者惟徐氏新唐書徐
浩傳稱浩父嶠之善書以法授浩今其書疏秀方整
有初唐虞褚遺意懿碑云葬於碭石此云葬於東都
萬安山之南原孫不祔祖未知何故其墓則猶可蹤
跡也

中州金石記

右光祿少卿姚彝碑趙氏金石錄云撰人姓名殘闕
寶刻類編則以爲崔沔撰今檢石本姓名雖曼漣其

上有朝議郎檢校秘書少卿博陵字甚完好博陵爲
崔之望則沔所撰審矣彝官終於光祿少卿而宰相
世系表但云鄧海二州刺史亦攷之未審碑書葉作
葉避太宗諱改世爲云也其書天作友唐人石刻多

有之

潘研堂金石文跋尾

新唐書姚崇傳三子彝彝奔皆至卿刺史此碑云光
祿少卿者卽彝也碑下截剝殘不復成文惟上截載
彝歷官始末有除君太子通事舍人遷都水使者出
爲延州司馬又除君隴州刺史未到官又封號縣開
國子拜鄧州刺史兼檢校商州又有徵拜光祿少卿

金石錄卷十一
其卒在開元四年八月較之宰相世系表但云葬海
鄧二州刺史者為詳後有題弟正議大夫行太子中
舍人下缺名者以史證之為奔也

授堂金
石跋

尹尊師碑

碑高一丈一尺一寸廣五尺二十六行每行七十一
字隸書額題大唐尹尊師碑六字篆書今在盩厔縣
樓觀

大唐故宗聖觀主銀青光祿大夫天水尹尊師碑

并序

銀青光祿大夫行太子右諭德兼崇文館學士上柱
國平涼縣開國公員半千撰

聞夫真人者出巨設歷倚杵騎蜚廉從敦圉□□公妾

密妃朝濯髮於湯泉夕晞首於暘谷仍丹丘以長嘯戴

翠華以高遊自非植因曠劫肅恭太浩從事於金房之

前鏤心於玉晨之上攜青童而應黃綠者奚以成後來

之妙相虛□□景而饜希聲則尊師其人矣尊師

諱□

□字景先隴西天水人也後秦尚書僕射緯之後緯仕

長安故為扈人焉若乃鬱為帝師降迹於唐勛之代光

乎王佐應命於周武之朝家藉代□可略言矣曾祖共

宇文鞠商州長史大父舒隋文州別駕昭孝珍皇輔□

散大夫尊師特稟異氣垂實冥華始降迹也其母袁氏

夜夢靈妙玉女授以九老丈人之符數月而聞腹中誦

經聲且時時有異光繞身矣及載弄之始目光炯然眸
于轉眄若有所見及勝衣之日自識文字唯誦老子及
孝經迺曰此兩經者天地之心也此後見好殺之字若
蹈水火視^禮禮之文□□泉谷稍長聞有尹真福庭迺
精心事之不近俗事因讀西昇靈寶等經漸達真教既
得馨味便契黃中間師者傳道之父母行道之神明糝
數劫來妙經是出不因師學謂之長昏遂□□無已求
師不暇時有周灋師者內音之先鳴上皇之高足迺願
叅軒効駕陪景嘯空奔走禮謁以申宿志灋師見之迺
謂尊師曰汝於劫會之中已受龜山之錄也便訓以紫
雲之口□□授以青羽之隱灋竄入其心謂赤松王子喬
可與撫煙月矣年十五道行已周有名於遠近矣屬
□文德皇后遵上景而委中宮于時搜訪道林博採真
迹尊師印應^景景行預綠□□^勅勅出家配住宗聖
觀雖翦芝瓊園採琳^龕龕隴意每遠出未近謝也將欲沐
浴東井棲遲南昌保護崑崙窺窬混沌矣故屬想丹煙
遊心紫度遍尋五岳備涉九元尋三君之祖氣□□□
之慧眼旋謁灋師便屣終南寂慮於溫泉冥精於寒谷
有年日矣既通八景又達九天知來藏往多所曉悟若
有神曰灋師上遷及省所屣已去順也貞觀末年行喪

既畢求徽三年口口太白入重巖也見所未見聞所未聞此後丹字紫書三五順行之灋扶晨接書九六逆取之方咸得其要尊師所有遊山異迹祈醮靈應並有別錄此不載之至於顯慶已來國家口口入供奉功德諮量救代度人轉經行道羅壇黃屋帝座天言東都西京步陽太壹九城三華展敬推誠三十餘年以日繫月始終不絕有感必通凡是効驗君臣同悉 勅書往復

口口迴神道昭章歲時交積者不可具載並傳於

帝虛口二要者略舉其日初尊師遊太白高頂雲霧四周聲振萬壑忽湧圓光去地千仞復有像充九色其高十仞欣然長往者口口口焉 高宗之在九

成宮有李慧經天長數丈以問尊師尊師對曰此天誠子也子能敬父君能順天納諫徵賢斥邪遠佞罷役休征責躬勵行以合天心當不日而滅 上依而

行之應時消矣是故 高宗以晉府舊宅爲

太宗造昊天觀以尊師爲觀主儀鳳四年

上在東都先請尊師於老君廟修功德及

上親口口口咸從 上及皇后諸王公主等

同見老君乘白馬左右神物莫得名言騰空而來降于壇所內外號叫舞躍再拜 親承聖音口非尊師之

誠感也由是奉

勅修醮口口口聖口一部凡十卷

總百廿篇篇別有贊時半千為尊師口口紀贊異秩繕

寫進之

高宗大悅終日口口不離玉案迺授

尊師銀青光祿大夫行太常少卿尊師固讓不得口口

官而口口職焉本淳二年天中有望告成有日萬乘雷

口口騎風馳

天子乘閣道而御帝車羣官陪六儀

口口七曜將禮于天樞幸中岳也金繩未舉玉檢猶潛

而六龍頓轡三口口色

聖體口安口于皇極屬

紫微口口口口口口國號訴四方過密

太后諮訪尊師尊師口口坊仙境亦著代謝物有榮悴

氣有初終大道之常幸康神器

口宜存思諒闇

極想欽明密理百神潛庇萬姓文操人間地上物裏天

中所有靈明倍百祈請亦望二十四結火燒而憂盡七

十二教水鍊而瀆成皆見先微以明後事迺著祛惑論

四口口魔論卅卷先師傳寶卷垂拱四年將賓玉帝也

上足時道成成願奏章以延福蔭尊師止之曰有順宜

遵不可犯禁言訖委化顏色如常粵以長壽四年四月

十二日遷北於終南文口口弟子侯少微等追思龍漢

遠慕龜巖冀德音與天地同久神道共陰陽齊化昭庇

騫林冥滋栢樹俾斯貞石文若三光其詞曰

去矣大僊悠哉上躡玉谷白芝之座金闕紫口口前既
嘯景於瓊札固交歡於碧泉出三萬六千之厚地入三
萬六千之遠天咀九華之翠菊坐五色之紅蓮常吟外
景每握內篇春霞飛虛絳雪秋風生虛紫煙徘徊高黃
嶺顧步太口口三秦四塞帝王國東北長安龍鳳川煌
煌兮四明路浩浩兮八景年今已向上襲前果何時來
下降宿緣當乘道之氣應傳道之味必口氤氳六合中
自然昌揚萬劫通稽首寧謚步口口乘九華天下同此
心非獨騫之林

開元五年十月二日弟子侯少微等建

高僧志云唐高祖后之貞觀碑建於開元甲子十周字書
與他處歲久益舛先迹無攷口重摹于石口壽其傳

大元大德元年三月朔提煉請志真敬識

員半千之取名謬爲應運五百者碑文殊不稱可笑
碑叙文操遊太白觀異像以爲奇蓋太白名山至今
多見靈異不足奇也至謂老子降于壇問萬衆共觀
則近誕矣書分隸道古不著姓名且經元朝翻刻失

真可惜

心墨
鵝華

右宗聖觀主尹尊師碑師名文操隴西天水人遠祖
緯仕後秦因家於鄠漢書地理志右扶風鄠縣古國

有扈谷亭夏啟所伐是扈鄩本一字故碑云扈人也
高宗以晉府故宅爲昊天觀爲文皇祈福以文操爲
觀主嘗授銀青光祿大夫行太常少卿固辭不得已
乃受散官蓋其時緇黃之侶猶畏公議不敢輒玷清
班至開元中葉法善授鴻臚卿太歷中梵僧不空授
鴻臚卿宴然居之不爲怪矣員半千傳稱封平原郡
公碑作平涼縣開國公傳云入宏文館爲學士碑作
崇文館學士皆當以碑爲正古書處宓二字恒相亂
仲尼弟子宓不齊本當爲處後人誤讀如宓今本史
記遂誤作宓字此碑處妃字亦誤爲宓矣碑爲元人

重摹有提點請志真跋今亦中斷

潛研堂
石文跋尾

按碑云尊師諱下二字泐賴文操二字後文有之
文云後秦尚書僕射緯之後晉書後秦姚興載記
緯字景亮天水人苻堅敗緯輔翼姚萇萇遣緯詣
堅堅問緯曰卿于朕何官緯曰尚書令堅歎曰卿
宰相材主景略之儔而朕不知卿亡也不亦宜乎
卽尊師之遠祖也下云鬱爲帝師降迹於唐勛之
代此指唐堯時之尹壽也壽爲堯師居河陽說道
德經教以無爲之道語見古今人表又云光乎王
佐應命於周武之朝此未詳所指周時尹姓之可

金石錄卷十一
爲王佐者惟尹吉甫足以當之然非周武朝也尊
師會祖洪大父舒昭考珍周隋唐史俱無傳又云
師因讀西昇靈寶等經漸達真教新唐書藝文志
神仙家有載說老子西升經義一卷韋處元集解
老子西升經一卷又有洞元靈寶五岳名山朝儀
經一卷始印此靈寶經也文云高宗在九成宮有
字彗經天長數丈問尊師云云高宗紀總章元年
二月戊寅如九成宮四月丙辰有彗星出于五車
避正殿減膳徹樂詔內外官言事碑卽指此年事
唐書五行志書乾封二年四月丙辰有彗星于東

北在五車畢昴間乙亥不見而無總章元年事據
碑言在九成宮則非乾封二年五行志誤先一年
也文云儀鳳四年上在東都先請尊師於老君廟
修功德云云高宗紀儀鳳四年卽調露元年是年
不幸東都明年改永隆元年二月乙丑如東都八
月丁未又如東都而八月以前不書至自東都史
之畧也是年兩幸東都不知碑所云見老君乘白
馬事是此年否且或在三月或在八月不能詳也
河南通志載河南府城北八里有上清宮世傳老
子修鍊之所正殿梁柱及瓦皆範鐵爲之不知高

宗之見老子卽此宮否耶文云奉勅修元口口口
聖口一部凡十卷總百廿篇篇別有贊以舊唐書
經籍志證之乃太上老君元元皇帝聖紀十卷註
云尹文操撰也其祛惑論四卷口魔論卅卷先師
傳一卷兩唐書經籍藝文皆不載稽之道藏亦不
著錄開元時有尹愔者亦爲道士見新唐書儒林
傳云愔秦州天水人則與尊師同貫又云愔父思
貞字季弱明春秋擢高第官四門助教夢天宮麟
臺交辟寤而會親族聚訣二日卒愔通老子書初
爲道士元宗尚元言有薦愔者召對喜甚厚禮之
拜諫議大夫集賢院學士兼修國史固辭詔以道
士服視事乃就職開元末卒似皆尊師族屬而輩
行稍後者也

正覺浮屠銘

石橫廣一尺七寸五分高一尺四寸十
五行行十三字正書在沁水縣多寶院

幽栖寺尼正覺浮屠之銘

夫登涅捺山者要馮戒足入仙法海者必藉慈航幽栖
寺尼正覺口香鬘檀定水澄清潤三草而布慈雲警四
生而雲法鼓不謂三龍從毒蔭宅將免二鼠擬災憂殘
意樹遂卽傾天秘寶構此蜂臺竭地藏珍將營鴈塔其

塔乃岩堯入漢與玉兔而爭暉鬼業侵雲共金鳥而合
曜卽願危藤永茂朽樹長春觀遣情塵聞銷意垢口口
其詞曰

咬見顧高葺此臺塔妍巖疑語疑源擬業

開元六年歲次戊午七月癸巳朔十五日丁未建

文不甚工字帶隸體云入仏法海者卽佛字關中有

鄭州刺史爲子禱疾疏亦作此警四生而雷法鼓雷

字之省文也銘云咬見顧高葺此臺塔妍巖疑語疑

源擬業皆以雙聲成文

中州金石記

移置唐興寺碑

碑高七尺九寸廣四尺二十三
行行四十八字隸書在開喜縣

大唐朝議大夫行開喜縣令上柱國臨淄縣開國男

子君請移置唐興寺碑

并序

殿中侍御史判職方員外郎高陽許景先撰

觀道寺主僧師口書

先萬物者始道德爲宗窮言象者以乾坤爲大豈若道
洽沙界盤古無以化其跡功包鐵圍絲首不能紀其要
前後際斷衆妙入於真乘色相皆空定慧生於正覺言
之不極其波若之蘊乎聞喜唐興寺者我國家草昧之
所置也時橐弓矢締構龍宮懸玉鏡於方丈運寶圖於

羅衛將祛八難式護四禪乃於西山建斯精舍布金幽
逕樹福璇衡經始險蹊人跡罕到雖三空屢說給園之
衆不俱八解常流方廣之途尚阻毗俗常迷於夢幻聚
落不聞□□□使土地空存四生無拯爰初構趾數
十百年舊令因循不改其制長者居士旣渴日於寶坊
清信比丘徒挈餅於諦議時縣令朝議大夫東海于公
名光庭卽銀青光祿大夫瀛州刺史東海郡公士俊之
孫金紫光祿大夫中書侍郎同中書門下三品東海憲
公之第五子也承五鼎之華肖稟三辰之粹精陰德未
沫元宗有後在躬而禮義克舉餘力而文章見稱好學
多能以爲入官之具清慎竄欲弥見在公之心由也四
科叅乎一貫理必合於投刃事無遺於下鞫故能變蟋
蟀之風展蒲盧之化始鄉邊而脩里我有昌言終里邊
而修家人無遺善此其操刃有裕彈琴自閑亦旣庶於
王程將又崇於佛事爲蒲之所不及理鄴之所未行加
以識洞真扁智融覺鍵伏忍於三昧懸解於六通身若
明珠淨無瑕穢心猶平地能生衆善且循調御時現宰
官精三異之妙術敷六度之津要由是歷請天府將徒
梵宮雙樹移堅固之林八座改耆闍之岫金山赫赫與
紫殿而飛來紺宇眈眈化青樓而涌出城池故絳井邑

新田士女溢於康莊象馬闐於里閭一一香蓋懸寶縷
之幢種種天花散金燈之地得未曾有聞所未聞方將
洗貪欲之腸腎開盲聾之耳目納須弥於小芥詎是難
思置海水於虛空未爲希有僉以法雲西蓄佛日有部
家之味今智炬東摧迷途昭牽復之象豈非如來滅後
將有住持時夏縣威神寺法師俗姓張法名忽碑其先
衣冠出南陽精持律儀薰修戒行德超於四果理貫於
三伊大道未行同孔丘之歷聘衆有有病等鑿王之授
手遂乘杯凍漉振錫北亭扶龔俗於愛河誘焚如於火
宅示方便品導波若流亡羊於九部之津去馬於三乘

之際莫不爭持寶蓋競解口口口禱池之棟字爲苦海
之舟航起予者商繄我明宰時縣丞清河張佑仁主簿
驛農楊浩尉太原王臨尉太原王銑等竝瑚璉名器鸞
皇勁翮才無滯用政有異聲鄉里老進而言曰今教禮
勸農嘉惠也樹法拯人深慈也我宰君善化前古罕儔
豈使沒儀豐碑空銘景行龍宮後偈獨闕微言載勒堅
金永傳沙界銘曰

佛言能淨一刹土是謂世間良福田今我莊嚴招提宇
度脫功德海無邊猶如法雲覆羣品亦如佛日在中天
皆是宰官惠明德羣毗安樂離苦緣樹碑紀功永不朽

銖衣拂石億萬年

開元六年歲次戊午九月壬辰朔二日癸巳建

右唐唐興寺碑殿中侍御史許景先撰寺在山西聞喜縣縣令于光庭爲移置之景先之文由是而作光庭之在聞喜不聞其有善政而乃汲汲爲僧移寺非

賢令也

金薤琳瑯

按唐興寺在聞喜縣據碑文寺爲唐初所建在西山人跡罕到至開元初于光庭爲縣令乃移建于大道旁而立此碑以紀縣令之功德也山西通志聞喜縣寺觀條下不載唐興寺今以碑文有唐興

寺者我國家草昧之所置也一語參之通志惟載

有鐵牛峪寺云在鐵牛峪西神僧餉兵處相傳太

宗行軍至美陽鄉乏糧寺僧智旻以沙鍋煮飯餉

軍胥獲飽及卽位勅建廣教寺以報之又云廣教

寺在縣南二十里寺頭村土人名沙渠寺相傳唐

太宗勅建併鐵牛寺入焉又於山川條下載鐵牛

峪云在縣南三十里相傳有鐵牛流峪中水峪有

興國寺頗疑興國卽唐興寺所改而其初舊額卽

鐵牛峪寺與廣教寺也年代遠名跡俱湮不能

確指其所在矣縣令于光庭爲東海郡公士俊之

孫東海憲公第五子兩唐書俱無傳以唐書宰相
世系表攷之俱不載其名大抵與于志寧等不同
系也然世系表中如知微克勤却封東海郡公殆
是爵偶同耳山西通志名宦卷光庭亦無傳

于知微碑

碑高九尺八寸廣四尺四寸四分三
十四行行七十五字正書在三原縣

兗州都督于知微碑

姚崇撰

□□□□□□□□□□□□□□□□乃有□□
□□□□□□□□□□□□□□□□而不窮大川靈長清

灑浩汗而無絕□芳□□□□□□雲□者其惟于□□□

□乎君諱知微字辯機其先周封□□□□□□□□□

□□□東海□爲□□其後仕于魏亦家于代□代□

謹左僕射太子太師雍州牧子孫相承故今爲京兆萬

年人也高祖□周涇州刺史□安郡守驃騎大將軍開

府儀同三司瓜潼兗邵四州刺史涇州總管建平郡公

謚曰剛曾祖宣道周儀同大將軍隨內史舍人左衛率

上儀同□安子 皇朝贈涼州刺史謚曰獻平執珪璧

累傳茅土履□遍於文武聲華被於中外祖志寧 皇

朝秦王友禮部尚書侍中尚書左僕射太子太傅太師

蒲岐華三州刺史上柱國燕國公贈幽州都督益曰定
山河授口星象降精負明口之口口佐絲綸之大業謀
猷口口瑣闥動合全摸詳綜禮闈言成故事聲徽滿於天
下位望極於人臣父立政口口皇朝吏部郎中國子司業
太子率更令渠號二州刺史太僕少卿公子公孫多才
多藝口口口口口口聲實豈唯臺閣取則抑亦河海稱
宜公丹穴融姿生而五色青田表質動則千里言爲士
範行乃人師包括藝文口詞場而獨步甄明政理登口
口而先口朝澣口口之衣心口地義夕寢口口之被性
薦天倫行必由信不負黃金之諾舉無失德逾慎白珪
之玷正假馬之非禮革攘羊之爲直風塵不雜契芝蘭
而獨秀歲口無口口松柏之口彫每屈於書生亦口口
公子不恃才口傲物將口口口仁永徽元年補驛文
生爰以佩觿之年且戀過庭之訓特降口恩旨許其在
家比及三冬方齊口哲擢第釋褐授太子內口丞口年
遷授秘書郎兼通事舍人內供奉口口口峻口口增
口口有詞令之口遂兼敷奏之職緣親延累下遷常州
司兵參軍梁州西縣令同州司法岐州岐山縣令汧池
戩鶴棘林栖鳳固口高而位下惟小屯而大亨謙而弥
光口而不雜口口無口齊口口口口口之受口口條

范滂之責成千里中都之彰善瘴惡上蔡之易俗移風
益無以過也俄丁窮罰殆至滅性雖槐榆屢變而創痛
猶殷服闋被徵口爲舉首勅授魏州貴鄉縣令口任
未幾口在京違豫公乃請休急躬尋鑿緩專專代喘感
而遂瘵于時魏州連夏大旱州縣祈禱靡愛牲璧密雲
徒積甘澍罕口公入境口人口心口口戴口薪艾口卽
未焚灌壇風雨口其口洽口口隨誠降雨施及公私拮
稼蔚爲嘉苗赤地變爲膏野百姓鼓舞而相賀五穀滋
蕃而遂登尋被巡察使昇進制加朝散大夫行城門
郎大名之邑人結去思口口口門朝推稱職俄兼夏官
郎中口口口著口兼五熟昔稱歸口是膺俊選阮籍之
樂東平孫盛之思小邑願從所好天且不違乃出爲許
州司馬累除蒲晉潤三州長史龍臉一口驥足載馳口
下河史亟展口輿之政延陵口瀆累口歸口口口既口
人謠遂紆朝獎長壽二年制授鄂州刺史無何又累除
道利二州刺史化被荆楚威覃蜀漢去獸遷蝗以奉最
伐枳口口以口口口口州界口有光大賊剽劫相仍充
斥爲患雖經討口曾不衰止有果州流溪縣丞邢曇之
等聞公政術深思拯庇仰隣燭之延佇慕河潤以傾勤
曇之因使入京乃以父老等狀上請情詞懇到口口

天心乃降 優旨授公檢校果州刺史褰帷一視羣口
出奔下車三令口境口息神功之歲復除恒閬二州刺
史礪岳北臨劔門南峙是爲襟要實賴才雄公以身率
人令行禁止河朔拒二天之謁漢中興五袴之歌惟楊
奧區是口重鎮事兼口口允藉親賢久視元年又改授
揚州大都督府長史地總淮海路兼嶺蜀倚舊相雜良
猶莫分攘敎爲恒推埋所聚公懸明鏡以臨照稱物無
口捩利劔以斷割隨機有裕補張綱之口政紹何武之
遺績江汜之口於是乎在長安二年改授常州刺史毗
陵大藩寔要良守輟已成之務就有待之司顧盼而澆
俗自清咄嗟而口政咸理公每懷敬止恐口口之漸蕪
願近鄉閭雖執鞭而可仕屢陳章表具列款誠口時任
鳳閣侍郎預知口政備悉情素嘗爲贊成乃屈資除雍
州司馬從其好也粵以宏才俯從口尹口晞口口有犯
口口口口口口惟賢是口能名播於京輦公心口口人
吏旣推宿德口口舊資朝廷稱歎聲聞 旒展乃加銀
青光祿大夫改授絳州刺史州管軍府戶多彫散惟良
之任自昔稱難公隨方撫馭應時口理奸盜畏威而口
境流口感恩而復業以公口舊正人德業斯重講口之
任髦俊是口乃除太子左庶子又遷太僕少卿并累封

東海郡侯行本忠良器實高茂膺負璽之清級播恭慎
之嘉聲鄒魯口番口標舊國闡揚文教馮藉師資乃除
兗州都督公五百挺生博聞強記三千受業發瞽振聾
撫俗則黃霸重生講藝則顏回不死俎豆益先生之饌
歌詠光夫子之門發餘燧於槐檀導末流於洙泗公讀
口口傳乃慨然歎口古八云口相視盡口壽共口况口
口口殘光詎幾昏中口壁餘歲可知乃懷鼓缶之娛
遂抗懸車之請至誠上達優旨旋許追二疎之逸軌訪
四皓之幽居張禹韋口之流魏舒口口之輩遂異代口
口殊塗同歸者焉景雲二年封口海郡公又檢校鴻臚
少卿公遠覽夜行之誠自傷月告之年僂俛承恩斯
須罷職嗟乎鄭辰甫及謝西難移旣勞息之有期豈桐
口之可救以口口二年六月廿五日薨於長安常樂之
里第春秋七十九太山其頽仰曾峰而何及長河旣竭
望清瀾而遽遠以開元二年十一月十八日遷祔于京
兆府三原縣萬壽鄉長塋原舊塋禮也公口海口族三
台口胄行爲摸楷言成雅的居家盡孝奉國竭忠情吐
段干直以道義爲富性符徐邈唯以詩書自娛歷居官
次每著殊尤之績薦於文道非虧然諾之心嗟乎口慙
温口永往子安何口口口仙鶴之聲元伯長口口有素

車之口平原四望口口春口荒遂千年蔓草秋露旌旄
伍而復舉簫鼓咽而不鳴涕淚咸冰瞻昔恩而未重
柱檻皆素顧令禮而爲多嗣子朝議大夫行密州別駕
上柱國東海郡開國男克勤次子朝議郎行左監門率
府長史上柱國武陽縣開國男克構朝議郎行華州司
戶叅軍上柱國黎陽縣開國男克懋等聿修祖德不墜
家風冬日將夏日相輝金女與玉昆交映口口口口
以口義相規別口逾口口口口口遂口良友旣沒誰堪
制服之悲知音者者空軼絕絃之痛龍馬之室本不分
於客主管鮑之劫固無限於存亡見口爲文辭不獲免
平生言行誠僕所知掄揚事業則吾豈敢將口口口之
迹口題無愧之詞云尔

江河派別子靈長芝蘭挺秀子芬芳象賢襲慶子忠良
過庭承訓子義方木百枝子無疆弥七葉子未央心懸
明鏡子氣蓄干將化成雉狎子德口鸞翔或口口而馳
譽或口口而爲光烈爵窮於五等爲尹邁乎三王入龍
樓子膺侍接擁鳩扶子體歸藏東川不待西域無香盧
敖仰子無逮玉高去子何常思武子之可作歎公業之
不亡露口泣於口口口口於口口口口玉子長想臨
挂劔子增傷

開元七年歲次己未六月戊午朔三日庚申建

右碑殘缺即姓名亦不可見有五代祖謹知為于氏

及考趙錄日註建碑年月始定為知微也父立政見

志寧傳知微自釋褐歷官至兗州都督皆有惠政撰

文者姚崇也未云平生言行實僕所知揄揚事功則

吾豈敢竊謂不知其人視其友武氏之臣苟為姚宋

所與建碑庶幾不媿惜三原之鄉人鑿泐其文為無

識也公侯子孫非奇才異績不得附見國史向錄大

猷碑喜于氏復得三人此碑云子克勤克構克懋皆

顯官合知微而四于氏之傳于今者非碑版之故耶

于氏諸碑皆在今三原縣墓上金石後錄

據金石文字記為姚崇撰石殘缺無書名按辯機燕

公志寧之長孫吏部郎中立政子刺史大猷之兄封

東海郡公贈兗州都督碑曰葬於三原縣萬壽鄉之

先塋余特謁燕公墓辯機大猷二碑相去不遠大猷

墓僅存如堵牆辯機墓已平耳其碑存來齋金石刻考略

按知微乃立政之子與大猷同父其世次與大猷碑

及唐史有小異讀者當自得之至唐史志寧傳贈幽

州都督大猷碑稱志寧贈幽州刺史今知微碑又與

雍州金
石記

知微燕國公志寧之孫也碑書志寧所歷官頗詳其
云秦王友禮部尚書新舊史皆未載又云蒲岐華三
州刺史新史則云出為榮州刺史改華州以蒲為榮
又不云岐州是其缺誤也碑叙先世譜系及諸子俱
與宰相世系表合碑稱知微高祖義周涇州刺史隨
瓜潼兖邵四州刺史涇州總管而表云隋潼州總管
碑稱曾祖宣道周儀同大將軍隨內史舍人左衛率
上儀同皇朝贈涼州刺史表惟云隋上儀同舊書志
寧傳惟云隋內史舍人而已是其異也碑云京兆萬
年人而史云京兆高陵人當以碑為正

潘研堂金石文跋尾

按碑云高祖曰周涇州刺史曰安郡守瓜潼兖邵

四州刺史涇州總管建平郡公謚曰剛

于大猷碑不叙高祖

高祖名泐据世系表乃于義也隋書義傳義即謹

之子周閔帝受禪累遷安武太守歷西兖瓜邵三

州刺史尋拜潼州總管與碑不同曾祖宣道碑云

上儀同曰安子泐其爵一字

大猷碑亦泐此字

据世系表

是威安子也祖志寧唐書傳所載歷官俱與碑同


惟傳載高祖入關授元帥府記室遷天策府中郎

文學館學士而碑則云為秦王友也

大猷碑無此語又薨

贈幽州都督與兩唐書本傳同獨于大猷碑作幽
州刺史雍州金石記以爲史誤然大猷碑云贈使
持節都督幽易媯檀口口木州諸軍事幽州刺史
贈銜本與兩傳及此碑不同或者當時書銜之例
詳言之則旣稱都督又可稱刺史而約舉之則直
云都督而已似未可謂史誤也父立政無傳銜與
大猷碑同世系表但言官太僕少卿虢州刺史而
碑則云渠號二州刺史也碑云公授魏州貴鄉縣
令連夏大旱入境卽降雨施及公私尋被巡察使
昇進制加朝散大夫行城門郎事在長壽以前文
獻通考云神龍二年勅左右臺內外五品以上官
識理通明無屈撓者二十人分爲十道巡察使二
周年一替以廉按州郡以此碑證之則巡察之官
武后時已置之不待神龍二年而通考則又云天
授二年發十道存撫使以右肅政御史中丞知大
夫事李嗣真等爲之知微之昇進正在是時然通
考以存撫巡察分晰言之必不致誤闕疑可也知
微歷官終于檢校鴻臚少卿世系表則繫以兗州
都督是在鴻臚前也嗣子三人官爵與世系表互
勘惟第三子克懋碑言黎陽縣開國男表略而不

載餘俱同也



金石萃編卷七十二終

金石萃編卷七十二

賜進士出身

誥授光祿大夫刑部右侍郎加七級王昶撰

唐三十二

修孔子廟碑

碑連額高一丈五尺九寸廣五尺八寸二十一行行
六十字隸書額題魯孔夫子廟碑六字篆書在曲阜
廟孔

朝散大夫使持節渝州諸軍事守渝州刺史江夏李

邕文

正議大夫使持節宋州諸軍事守宋州刺史上柱國

范陽張庭珪書

嘗觀元化陰藏上帝鑿造雖道遠不際而運行有符湯
摧大桓宣考神用建人統之可復補天秩之將殞其揆
一也管者蚩尤怙賊朕弟驕兵巨力多徒合緒連禍則
黃帝與聖首出羣龍推下濟曰君人儆勤略曰戡亂逮
至橫流方割包山其容轉死爲魚鱸食不粒則堯禹竝
跡扶振隱憂道百川康四國粵若殷禮缺周德微宋公
用郟楚子問鼎則夫子卓立粲然成章闢邦家之正門
播今管之彝憲此天所曰不言而成化聖所曰有開而
必先其若是也故夫子之道消息乎兩儀夫子之德經
管乎三代豈徒小說蓋有異聞夫亨之者莫如天藉之
者莫如地教之者莫如夫子且沐其亨而不識其道則
不如勿口荷其藉而不由其德則不如勿運固曰消息
乎兩儀者也夫博之者莫如文約之者莫如禮行之者
莫如夫子且會其文而不揚其業則不如勿傳經其禮
而不啟其致則不如勿學止代有曰焯序中代有曰宗
師後代有曰不訓固曰經營乎三代者也意虞舜之美
不必至是贊而大者進聖君也夏桀之惡不必至是擠
而毀者激庸主也伊尹之忠不必至是演而數者勉誠
節也趙盾之逆不必至是抑而書者誅賊臣也至若論
慈廣孝輔仁寵義職此之由於是君臣之位序父子之

道明友朋之事與夫婦之倫得雖艱日開覺膏雨潤黷
和風清扇安足喻哉俗如九皇繼統而政醇七聖同年
而道合雖事業廣運偕理濟口時未有薄遊大夫僻居
下國德敷既往言滿方來廟食列邦不假手於後續君
長萬葉畢歸心於縑王若此之盛是昌騰跨百辟孤絕
一人曷成名可稱取與爲大者已

我國家儒教浹

寓文思戾天伸吏曹昌追尊逮禮官昌崇祀侯袞聖於
人爵尸奠亨於國庠是用大起學流錫類孝行敦悅施
於方國光覆彌於龔宗三十五代孫嗣袞聖侯璉之字
藏暉泊族賢元亨等或專門碩儒同墜于緒或餘波明

準克揚厥聲乃相與合而謀曰夫墟墓之地禮曰自哀
聽訟之樹詩云勿剪一則遇事遺愛一則感物允懷矧
乎大聖烈風吾祖鴻美故國封井舊居以鬱歎宜其悚
神馳魄膝行膜搯陳齋祭首嚴祠樹纒垣昌設防刊豐
石昌爲表兖州牧京兆韋君元珪字

王國

周親人才懿德明啟風績休有名教長史河南源晉賓
字光國賢操孤興清節相遠納人昌禮成俗於師司馬
天水狄光昭字子亮相門克開雅道踵武聞義必立從
事可行錄事參軍東海徐仲連功曹成陽蓋寡疑倉曹
太原王道淳廩農楊萬石戶曹博陵崔口連廩農楊履

麟兵曹太原王光超范陽張博望法曹安定皇甫恠東
海于光彥士曹滎陽鄭璋參軍事博陵崔調扶風竇光
訓河東裴璿隴西李紹烈口口口口儀傳口南陽樊利
貞曲阜縣令廌門田思昭丞河間劉思廉主簿吳興施
文尉清河晏麤楷等宦序通德儒林秀士昇堂觀奧遊
聖欽風僉同演成乃口終始其詞曰

元天陰隲大明虛鏡神不利淫物將與正凡曰投艱在
此逢聖吞沙荐虛軒黃庭定襄陵地災夏禹文命周道
失序夫子應聘刪詩述史盛禮張樂雅頌穆清訓詞昭
灼片言一字勸美懲惡誘進後人啟明先覺六順勃興
四維偕作元功濟古至道納來首出列聖席卷羣才大
名震耀廣學天開蒸嘗而寓誦習窮垓帝念居室
呂光壽宮建侯于嗣環封厥中孫謀不泯祖德斯崇乃
刊聖烈克廣休風
大唐開元七年歲在己未十月乙酉朔十五日己亥
建

碑兩側題記

兩側各廣二尺四寸二分其唐宋金元題名
十三段第一一段五行行十四字左行正書

門人徐泗節度掌書記殿中侍御史內供奉賜緋魚
袋杜兼 童子高箕 大唐貞元七年辛未歲二月

八日奉祀謁拜奠

又四行行七字六字不等左行正書

轉運使王純臣奉 詔專詣登萊密三州賑卹恭謁

先聖祠下 嘉祐癸卯正月廿三日

又七行行十三字或十二字不等左行正書

宋熙寧六年館閣校勘呂升卿奉 西勅察訪京東路

十月初六日自郡率官屬同謁 祠下勾當公事官

律學教授方希益監南京鴻慶宮蔡堪穎州推官陳

祐甫真州楊子縣令歐陽成 縣主簿襲衍聖公孔

若蒙許州舞陽主簿王佐同來

又前六行行八字九字後三行行十三字十二字各不等俱左行正書

宣義郎權發遣提舉京東西路學事程振率州學教

授辛炳同謁 先聖廟下因奠 林家政和元年九

月廿六日

明年四月十二日振以職事再過

闕里同管句文字官劉詢奠謁 冢廟

又五行行十字左行行書

政和改元被 旨修飾祠宇京東路轉運使陳知存

點檢役事恭謁 宣聖時季秋廿八日謹題姪鐸侍

行

又五行行九字
左行正書

政和丙申浴沂之月莆陽陳國瑞按行學政取道闕

里修謁 廟庭觀手植檜及連理木從至者屬官焦

百祿

又五行行十
五字正書

奉政大夫應奉翰林文字同知 制誥兼 國史編

修李子易因馳驛至同 朝散大夫泰寧軍節度副

使兼兗州管内觀察副使劉瑋恭拜 廟下大定十

七年四月初九日

又三行行二十
三字正書

朝請大夫東平少尹兼山東西路兵馬副都總管提

舉學校事李幾說被檄之徐州因得奠拜 聖師林

廟明昌二年十月初七日

又二行行十
六字正書

明昌二年十二月初四日范陽王肩元奉 命過

魯祇拜 林廟

又六行行八
字正書

中山趙充馳驛道出曲阜敬謁 先聖祠下時承安

改元之明年秋二十有四日題漁陽李奕里人郝无

咎與焉

又入行行三十
一字正書

維年月日國子助教除山東東西道肅政廉訪司照
磨于欽謹昭告于 大成至聖文宣王維 王德同
太極道侔元氣集厥大成垂訓萬世於赫事功拔聖
之萃 王祀萬年魯廟存歸泰山可頌魯宮巍巍河
海可竭魯墳業業望魯有年今始魯游春風沂水瑟
音悠悠登降有嚴洋洋珮璆敢不肅恭以承 神休
延祐庚申春二月 詔振臺綱 山東廉訪司照
磨于君思容乘傳經曲阜適上丁有事于 先聖以
使禮與祭 衍聖公謂君令儒嘗師成均特具章服

行事爰有祝文孔顏孟三氏子孫教授王不矜學並
藍民信請誌于石君益都人思容字也

又三行行十
五字正書

真州吏劉宗煥馳驛押運碑旁木植至闕里瞻拜
林廟至元六年八月十二日記

碑陰題記

共二段第一一段十一
行符十五字正書

僕鄉為令長山被檄泰安嘗謁 宣聖廟歷觀前人
碑志自漢魏以來代無不修其舊制稍隘未足以副
天下之望茲者 朝廷右文命開州刺史高公曼卿

特爲增葺凡弊者新之狹者廣之下者高之舊所無者創之莫不曲盡其善僕與公有一日之雅喜而謂曰公爲吾儒獲膺此委而能大其規撫俾雄麗如此可謂無負矣明昌辛亥復因奠拜過此安陽赫煇十月二十有七日題

又十行行約
十字行書

乙未歲二月廿有二日古充謝彥實遼海王萬度來自任城敬謁 廟下因賦詩一章謹題於此

聖道遺宗主干戈隔歲年相傳周禮樂曾照魯山川日月輝光實乾坤氣象全 東家典形在喬木冷參

天

夫子廟碑爲渝州刺史李邕撰宋州刺史張庭珪書邕語亦似知尊夫子者第任書可耳不當遂任文也

庭珪官至太子詹事著直聲家藏二王墨蹟甚夥書

小史謂邕所撰碑碣必請庭珪書此亦其證也

舟州山人

舊唐書張庭珪傳庭珪素與陳州刺史李邕親善屢上表薦之邕所撰碑碣之文必請庭珪八分書之庭

字作廷邕傳同

金石文
字記

案舊唐書邕本傳云開元三年擢爲戶部郎中左遷

括州司馬後徵爲陳州刺史十三年元宗車駕東封
迴云云據碑立于開元七年邕署銜爲渝州刺史當
由左遷括州司馬時已轉渝州而史失書也廷珪傳
出爲沔州刺史又歷蘇宋魏三州刺史與碑言守宋
州刺史合惟勳爲上柱國亦從略尔廷珪與邕親善
屢上表薦之邕所撰碑文必請廷珪八分書書之今
此廟碑亦其一也碑載三十五代孫嗣襄聖侯璿之
字藏暉宰相世系表璿之字藏暉都水使者襲文宣
公攷璿之襲封襄聖侯當開元五年其進封文宣公
在二十七年故碑惟言其初襲封也碑中列兖州牧

京兆韋君元珪字王國長史河南源晉賓字光國司
馬天水狄光昭字子能元珪附子堅傳云先天中銀
青光祿大夫開元初兖州刺史卽稱兖州牧是也志
稱京兆河南太原等府三府牧各一員兖州旣升爲
大都督府宜有牧矣狄光昭見世系表云字子亮職
方員外郎碑後又載錄事參軍東海徐仲連等名案
職官志大都督府錄事參軍事二人兖州旣屬上都
督府此碑列錄事參軍惟徐仲連一人與中下府同
功士二曹各一員餘曹各二員正與志符至志載開
元元年十二月改錄事參軍爲司錄參軍今碑在開

元七年猶稱錄事所未審也碑陰辛亥爲明昌二年
案明昌元年三月詔修闕里孔子廟降錢七萬六千
四百緡據此題乃知董其役者高曼卿也又乙未歲
題并詩不著時代據作者爲遼海王萬度斷非宋人
而詩云干戈隔歲年或是金之大定十五年或是蒙
古太宗七年也兩側題名自上而下以次錄之凡十
三段明以後概不及何夢華云碑陰額間尚有元人
題名墨蹟數行惜無人拂拭之

山左金石志

按碑書趙盾作趙遁石墨來齋皆不解其故檢諸
字書亦未有盾可與遁通用者然盾有隱蔽之義

劉熙釋名云遜也跪其後避以隱遜也据此則盾
作遁似亦可通矣碑兩側題名唐人一段杜兼兩

唐書有傳云兼字處宏相州洹水人正倫五世孫

舊傳作
京兆人

建中初進士高第徐泗節度使張建封表

置其府積勞爲濠州刺史此碑題名有殿中侍御

史內供奉則兩傳所無也宋人五段內王純臣有

一詩見厲鶚宋詩紀事題是賀岷州太守种誼破

鬼章而於純臣事蹟不詳程振幸炳宋史俱有傳

程振字伯起饒州樂平人入太學徽宗幸學以諸

生右職除官爲辟雍錄升博士遷太常博士提舉

京東西路學事請立廟于鄒祀孟軻以公孫丑萬
章樂正克等配食從之辛炳字如晦福州侯官人
登元符三年進士第累官至監察御史兼權殿中
侍御史金人四段元人三段內于欽字思容益都
人歷官兵部侍郎撰齊乘六卷至元五年蘇天爵
序此碑題延祐庚申在至元前二十年也餘俱無
攷

王仁皎碑

碑連額高一丈五尺六寸廣五尺七寸二十二行行
五十四字隸書額題御書二字正書末右羽衛一行
亦正書在同
州府大荔縣

唐故開府儀同三司贈太尉益州大都督上柱國祁國
昭宣王公碑

□□天命帝于萬邦維坤配乾母萬物以親九族□父
之屬尊□□百官□□□□□□□□□□□□□□□
祁公□□□□□□□□□□□□□□□□□□□□□
原祁人王子寶天啟靈僊之族司徒衍□大忠義之門
□□□□□□賢□□□祖□□□□□□□□□□□□
□□□□□□刺史考文洎贈右僕射纘戎前烈啟迪後
人公之生也膺□靈之禎體□□□禮□□□□□□
□□□於□□□□□□□□□□□□□□□□不地而養

之以蒙智周無際而處之以默故實勝於文行□於譽
其隱德也□□不□其□□也□□□□□□□□□□
□□□□□□□□□□□□□□□□□□□□□□□□□□
左衛中郎將主昇春宮□□□□□□□□□□擢將作大匠□時工
□□□□□□□□大□□□□□□□□□□□□□□□□□□□
內禪引伸外戚懷榮畏滿馱劇思閑公既深辭以職□
□□□□□□□□散□□□□□□□□□□□□□□□□□□□
□□□□□□□□□□□□□□□□□□□□□□□□□□□□
是寓情宴喜□述朝行人告嘉猷□□□□□□□□□□□□□□
□□□□□□□□□□□□□□□□□□□□□□□□□□□□□□
□□經曰明明天子擇賢共理瑣瑣姻婭則無膺仕不
識不知□□有已謙矣□□□□□□□□□□□□□□□□□□
□□□□□□□□□□□□□□□□□□□□□□□□□□□□□□
懸解爲不爲而理會□□以無□□□□□□□□□□□□□□□□
□所□□□□□□行中□□歟後之人中□□歟後之人□□□□
□□□□□□□□□□□□□□□□□□□□□□□□□□□□□□
歲次己未四月□□未朔廿日戊寅薨於京師□□上□□焉
設以大□□□□□□□□□□□□□□□□□□□□□□□□□□
太尉益州大都督賜東園秘器含襚貲錫率加□禮乃
命尚書彭城□□知□□□□□□□□□□□□□□□□□□□□□□

□□□爲□□□□□南安侯寵承宗持節弔祭左庶
子白□慎倅焉公卿命□更弔□喻溢巷填門爲□□
□□□□□□□□□□□□□□□□□□□□□□□
□□□□夫天作聖合必起大邦故軒妃美於西陵周
婦□於東海公□□之慶□□三十□□或□□□□
□□□□□□□□□元女□□□□禁業參□石內被
螽斯之德外偃關雎之化門風□□也如彼□□惟力
□君□心□□□□□□□□□□□□□□□□□□□
□□□□□□□□□□□□□□□□□□□□□□□□
□□□□□□□□□□□□□□□□□□□□□□□□
人家□其□□□□□□□□□□□□□□□□□□□□
□□□□□□□□□□□□□□□□□□□□□□□□
□指要則皇帝所爲也詞臣承詔作之銘□

□□□□□□□□□□□□□□□□□□□□□□□□
□□□□□□□□□□□□□□□□□□□□□□□□
□□□□□□□□□□□□□□□□□□□□□□□□
社帝曰欽哉祁公之德柔嘉維則令儀令□□心□□
如□□□□□□□□□□□□□□□□□□□□□□□
□□□□□□□□□□□□□□□□□□□□□□□□
此□□□□□□□□□□□□□□□□□□□□□□□
休閒其末
豐□□□□□□□□□□□□□□□□□□□□□□□

開元七年歲次己未十一月乙丑朔□□□

右羽衛將軍口檢校幽州都督節度下

舊唐書仁皎本傳仁皎以開元七年卒令張說為其

碑文元宗親書石焉攷兩書本傳所載並合惟擢將

作大匠後轉太僕正卿新書不之及耳碑自歐趙至

今從未著錄關中金石記

按仁皎明皇廢后王氏之父也唐書后妃傳稱同州

下邳人碑云太原祁人者舉其族望也碑文張燕公

所撰而明皇親書之額題御書二大字不審出何人

筆潛研堂金石文跋尾

按碑多殘闕然所存者考其歷官多與史合文云

王子賓天啟靈德之族司徒衍口大忠義之門太

原王氏出周靈王太子晉之後所謂王子賓天者

是也後漢王允太原祁人少好大節有志立功累

官豫州刺史討破黃巾後拜司徒所謂司徒衍口

者是也祖諱已泐考諱文洎唐書王皇后及仁皎

傳俱不載其父名賴此碑猶存王皇后傳獨舉其

先世為梁冀州刺史神念之裔孫而不及其他神

念梁書有傳太原祁人好儒術明內典普通中累

官使持節散騎常侍爪牙將軍仁皎傳則無一語

及其先世者仁皎小字阿忠亦見王皇后傳碑所

不及也仁皎以開元七年四月口未朔廿日戊寅
薨泐朔日一字則己未也其時飾終之禮極隆燕
公文御書碑恩榮無與比通鑑綱目載其子駙馬
都尉守一請同寶孝謹例築墳高五丈一尺上許
之宋璟蘇頲諫而止越四年王皇后廢子守一賜
死恩澤遽替此在仁皎未嘗不以早死為幸也碑
末右羽衛將軍一行下泐其半不知何謂

李思訓碑

碑高一丈一尺三寸六分廣四尺八寸五分三十行每行七十字行書在蒲城縣

唐故雲麾將軍右武衛大將軍贈秦州都督彭國公諡

曰昭公李府君神道碑

并序

族子口口口口口口撰并書

觀夫地高公族才秀國華德名昭宣沖用微婉動必
簡久言必典彝人之儀形以為口口口口口口口口

口口口口口口口口口口口口口口口口口口口口

口口口口口口口口守中轡重養福元宗以長其代邁德

以闢其門者其惟我彭國公歟公諱思訓字建隴西狄

道人也口口口口口口口口口口口口口口口口口

口口口口口口口口口口口口口口口口口口口口

其任子仲翔討叛羌于狄道子伯考回家焉洎孫漢前

將軍廣子侍中□十四代孫嵩□□□□□□□□□□

□□□曾祖□□□□□□□□□□□□□□□□

卿諱叔良都原州長史華陽縣開國公贈寧州刺史諱

孝斌或集事雲雷擁旌為將或□光□□□□□□□□

□□□□□□□禮以□□□□□□□□□□□□

□□□□□□□然寡欲超然遠尋好山海圖慕神仙

事且束以名教阻於從遊乃博覽羣書精慮□藝百□

借妙一□□知□□□□□□□□□□□□□□

□□□□□□□□□□□□□□□□□□□□□□

忠益之論不關於言非侯度之譽不介其意夫如此可

以近大化漸家□功烈□□□□□□□□□□□□

□□□□□□□□□□□□□□□□□□□□□□

宰子贊禹甘生相秦莫可得而聞已十有四補崇文生

舉經明行修科甲明年吏□□□□□□□□□□□□

□□□□□□□□□□□□□□□□□□□□□□

□□□□未幾加朝散大夫滿歲除常州司倉叅軍事

出納之恡職司其憂蓋小小者于時也鼎湖□龍昇□

□□□□□□□□□□□□□□□□□□□□□□

□□□□□□□□□□□□□□□□□□□□□□

因知所從臨河而還復將安處俛俛轉揚州江都宰公

麀深口見聖始作口於不口口口於口口口口口口
口口口口地之紀導口口之口口口口之口口口口
口口翼皇道決策謀府經德智囊而日月有除霧露成
疾莫可救藥誰能度思嗚呼春秋六十六以開元口年
八月口口口口口口口口口口第口口口口口口口口
口口口口口口口口口口州郡督賄布絹四百端匹米粟四
百石葬日官給諡曰昭公宜家魏國夫人竇氏德心守
彝禮容宏矩口口口口口口口口口口口口口口嗚呼口
口口口口口口口口口口口口口口不口悲夫以八年六
月廿八日合祔陪于口口口口橋陵園禮也姪吏部尚書

兼中書令集賢院學士修國史口口公口口口口口

口口口口一一口口口口口口口口口口口口口口
口口口口布和宏恕以歸厚刑器有典軌物有倫嘗追如
父之恩是切知人之感相與公之長子朝議大夫魏州
別駕口口口口口口口口口口口口口口口口口口口
口口口口口口口口口口賢院昭道等並才名用譽業尚
居多至性純深終天孔亟膏恐竹口紀事未極聲華石
口口口口揚風烈口口口口口口口口口口口口口口之口
口名口之口口口口口口口口口口口口口口口口口口

麟定時秀人才口口口口國工詩書樂地典禮良弓率心載

德濟義輸忠湖海雅度□□清風乃□槐集□□□
伊昔□□□□窮□□□□□□□□□□□□
□□□□□□通赫赫復□□振振秩宗三思嗇禍
諸韋荐兇憂纏家□□國氣薄華□□□□□□□
同□□□□□□□□□□衝□□□□□□□□雄□□□
□□□□□□□□□□□□□□□□子惟孝靈龜是從
桐栢烈烈碑闕崇崇盛業何許佳城此中

李北海翩翩自肆此雲麾將軍碑尤著者將軍名思
訓畫品在神妙間碑辭絕不之及豈古人以菽爲諱

耶弇州山人稿

雲麾官銜也其碑有三一在關中一在良鄉一在楚
中關中者乃李思訓碑雖殘缺猶可揭燕楚兩通今
罕傳不知係何人碑想石亡久矣書畫跋

碑在蒲城楊用修謂已斷正德中劉遠夫御史以鐵
束之又謂已亡朱秉器又謂良鄉亦有此碑蒲城者
爲趙文敏臨書今蒲城碑尚在未斷無有鐵束事且
蒲城李思訓葬處北海真蹟的非文敏所能良鄉本
肥媚文敏書無疑石墨鐫華

李北海有兩雲麾碑一李思訓一李秀官同姓又同
思訓碑在陝西秀碑在良鄉秦人著名墨鐫華者誤

以為一碑且以此碑為趙文敏所臨誤矣良鄉碑不知何時入都城宛平令掘地得六礎洗視乃雲麾碑建古墨齋以貯之不知何時又移至少京地署中止二礎其四礎傳謂萬歷中京地王惟儉攜去汴中金石錄云明皇以天寶三年改年為載今此碑元年正月立而稱元載附記之俟考

庚子銷夏記

右雲麾將軍李思訓碑文稱姪吏部尚書兼中書令集賢院學士修國史晉國公林甫攷唐書宰相表開元二十二年五月林甫自黃門侍郎為禮部尚書同中書門下三品二十四年七月為兵部尚書十一月

兼中書令然則北海製文當在廿四年已後而金石

錄賈刻類編諸書皆題為開元八年蓋因碑文有八

年六月廿八日合祔之文而不知祔葬之與立碑非

一時也顧文學言唐人日日二字同一書法惟日字

左角稍缺此碑謚曰昭公字兩見皆作日左角亦不

缺筆邕於思訓自稱族子然新舊史邕傳不言出于

宗室未知其審

潛研堂金石文跋尾

按碑叙其先世前段已泐存者云至信徙于秦克

復其任子仲翔討叛羌狄道子伯考因家焉洎孫

漢前將軍廣子侍中口十四代孫嵩云云唐書宗

室世系表李氏出自嬴姓其後有名汪者秦將軍
生曇趙柏人侯入秦爲御史大夫生四子崇辨昭
璣崇爲隴西房官隴西守生二子次日瑤南郡守
狄道侯生信字有成大將軍隴西侯生超超生二
子次日仲翔河東太守征西將軍討叛羌于素昌
戰沒贈太尉葬隴西狄道東川因家焉生伯考隴
西河東二郡太守生尚成紀令因居成紀尚生廣
前將軍二子次日敢敢生禹禹生丞公丞公生先
先生長宗長宗生君况君况生本本生次公次公
生軌軌生隆隆生艾艾生雍雍生二子次日柔柔
生弁弁生昶昶生嵩其世次之可考者如此碑云
曾祖下文泐下云諱叔良都此都字未詳原州長史華
陽縣開國公贈寧州刺史諱孝斌考宗室世系表
郇王房郇王禕陳留太守長平郡公二子長伯良
武陵郡王次叔良長平肅王叔良之子長郇國公
孝協次卽孝斌華陽郡公原州長史與碑作華陽
縣公者小異孝斌之子卽思訓然則孝斌爲思訓
之父叔良爲思訓之祖其曾祖卽郇王禕也碑載
思訓薨年已泐僅存開元字下乃云八年六月廿
八日合祔陪于橋陵園春秋六十六卽以開元八

年推之其生當在永徽六年則碑所謂鼎湖龍昇當指高宗其履霜堅冰終風折木口詬俟時變名求活南陽宗子未舉勤王西京宰臣不開復辟者曠十有六載云云是指武后臨朝誅唐宗室中宗在房州等事也其時思訓纔三十餘歲其徵拜太常寺丞加隴西郡公皆是中宗復辟時事則年已五十餘矣橋陵爲睿宗之陵其姪爲林甫碑泐其名兄弟之子稱姪始見此碑思訓兄弟諸子中宜位與碑合者惟林甫之子表林甫爲思訓弟思訓長子林甫之官吏部尚書兼中書令以宰相表攷

之在開元二十七年距合葬之歲垂二十年當葬

時並無別故陪葬帝陵亦爲鉅典碑叙思訓之子

雖多缺泐然核其文則福道復道昭道等似皆具

存何以立碑蹉跎至二十年之久李邕書碑若在

開元八年是左遷括州司馬時若在二十七八年

是官北海太守日惜其署銜又泐不能確定其何

時也雲麾將軍武散官從三品上階右武衛大將

軍正三品官與階不甚懸殊思訓善畫號大李將

軍是其工畫在武后臨朝變名求活之時而其得

盛名在中宗復辟後歷官將軍之日然唐朝名畫

錄載其天寶中明皇名畫大同殿壁一事則傳謔矣

華嶽精享昭應碑

碑高一丈廣四尺三寸十九行行四十九字隸書額題華嶽精享昭應之碑八字篆書在西岳廟

華嶽精享昭應之碑

宣義郎行華州華陰縣主簿平陽咸廩撰

夫神其止也虛其行也直是以感生焉夫祀其事也大其馨也德是以福生焉維嚳有高屈兌曰華天作峻極厥仞五千降靈集祉密封王國故風雨皆若必應休明玉帛之享亦豐其報致天人之味者功莫大焉歲在

皇帝以開元嗣極今八載也文德被武功成垂拱

而天下理纘服而庶邦正於戲聖之配天不逆灾祥之數而務脩其德天之降福或彰謹告之符而終與其譖是以成湯興而炎暎遺周宣懼而頌聲作尚自日在奎雷始電迨乎畢春氣達萌牙山川如焚密雲不雨干耦適野胥病於失時百室崇墉將空於成歲

我皇畏昊天之神憫烝人之艱自郊徂宮靡神不舉乃分命舊相尚書許國公蘇頲以瑞祝之辭旅于西嶽將以蒙嘉氣獲豐年公時膺保衡代修衮職克求先正對

揚

王休

天子以才難九人

允歸同德公是用僉詣八座懋廣囍咨有文章焉有禮
樂焉既享冢位乃司宗伯實佐咏邦敬恭明祀爰屆爰
處威儀孔將闕是亭廟有來斯啟州命長史河東薛縉
俾焉協事於外宗人相禮展器執書告備於內肅雍萃
止宵艾並作幣尊六號王月兩圭焚燎舉而禮容祗若
昧爽交而神光有粲粵三月庚申陳薦請也公已事復
命式適其歸時厥翌日旋於闕下車麟麟而響止履鏘
鏘而聲入則已滄周四溟澍洽千里拜獻純嘏天臨在
歡嘉公克誠神用影響
制書褒賅束帛有
差既禮而祠古之義也丘不與祭
帝有恩

焉乃申命秩宗寵終厥事則有牲牲樂奏之備以昭配
焉癸卯告賽如前禮夫陰陽不測至妙也因變感情至
教也六府三事大功也四望六宗大禮也后王卿士如
彼歲月其道不易時惟康哉蘇公乃言曰惟

我后之德格于上下神哉其濡今茲臣人可驟述
已於是重費以謀始因物呂書伐倬彼金石載刊其陰
俾夫後之敬事者知景福之攸在其辭曰

於鑠大華降神西峙惟王荒之配天有祀雲雨成物馨
香叶祉明明
天子禮于愆陽肅肅蘇公

王命是將克誠攸亨離畢其滂年之用康祀

事惟政非昵非假禮崇其敬祠而報焉以永終慶惟靈
感味幽贊而生有豐者石刊之則貞蘇公作頌孔碩其
聲

殿中侍御史彭城劉升書

銀青光祿大夫檢校華州刺史上柱國李休光題額
右碑序頌華陰主簿咸廩爲故相許國蘇文憲公頌
祈雨獲澍而作者也侍御史劉升書按趙明誠金石
錄於唐碑搜訪殆徧而獨遺此升書亦僅一見於此

碑而已

弁州山人藁

此唐開元帝遣蘇頌禱雨華山有應而建碑也書者

爲御史劉升并見金石略僅二碑而遺此

石學
鐫華

華嶽精享昭應之碑其文卽刻於後周天和二年頌

碑之陰宣碑之右旁有顏魯公大字題名乾元元年

十月左旁有賈竦謁華嶽廟詩元和元年十月作并

書太和六年四月姪男宣義郎行華州叅軍取重修

碑之下方亦有唐人題名此碑前後空處爲宋人攬

入題名甚多幸此文皆八分書題名或隸或行不相

混耳廟中古碑嘉靖末地震多毀唐碑惟此與述聖

頌二通僅存古碑陰多無刻字故後周之碑而唐

人得以刻之觀此一碑而周人之質樸唐人之謙約

兩見之矣按此爲華陰縣主簿咸廩而新唐書趙冬曦傳有大理評事咸廩業亦開元時人恐卽是一人

金石文
字記

右碑彭城劉升書升素以書名如造觀音像徐州刺史蘇誥碑行于世此碑隸法古勁無唐人習氣可愛也

金石
錄補

密諡王室是邇字變彥作走省爾爲尔也懋廣疇咨卽咨字增口爲日也旣亭家位當是亭字與銘詞中克誠攸亨同帝有忍爲是忠字變比爲二口也三國志注引會稽典錄吳孫亮時有山陰朱育依體像類

造作異竈千名以上魏書太武帝始光二年三月初造新字千餘頒之遠近以爲楷式故李仲璇修孔廟碑魏孝文弔比干文之類皆雜用篆籀隸楷以及變體別構之字然此風自唐以來久變不謂至開元時劉君乃獨嗜之耳又碑中如皇帝天子等字或空四字五字或空六字十字不一惟我皇及帝字平格前天子字空六字銘文明明天子句又復平格皆不知其義

金石
存

攷蘇頲以開元八年正月罷相爲禮部尚書本傳不載遣禱兩西岳事闕之也碑左方又有八分書蓮華

巍巍竹箭喧豗浩浩今古憧憧往來十六字則銀青光祿大夫守兵部尚書博陵郡開國公崔漢衡所題而華陰縣令盧傲書其時興元元年十二月也又有銀青光祿大夫檢校華州刺史上柱國李休光題額二十字驗其字體亦出盧傲手蓋勒碑之後又六十餘年而始題其額耳碑前兩行下半空處有貞元元年二月檢校水部員外郎崔頰華州司功參軍鄭齊珣華陰縣令韋綬三人題名其下則宋元豐五年正月通直郎劉陶題名碑中空處又有政和壬辰二月顯謨閣直學士席旦及子奎益題名其餘明人題名不及載

潛研堂金石文跋尾

碑在嶽廟尚全整金石文字記跋此謂古碑陰多無刻字故後周之碑而唐人得以刻之然攷水經注樊城西南有曹仁記水碑杜元凱重刻其後書伐吳之事蓋古人簡便不重煩如此又渭水內載漢文帝廟數碑一碑是建安中並漢鎮遠將軍段熲更修祠堂碑文漢給事黃門侍郎張昶造昶自書之魏文帝又刻其碑陰二十餘字此又碑陰刻字更在杜征南之前者若至近世磨滅往代碑碣欲以自張其迹未幾而亦頽殘作柱礎矣悲夫

授堂金石跋

按碑云歲在涪灘皇帝以開元嗣極之八載也歲在申曰涪灘開元八年歲在庚申也下云間自日在奎雷始電迨乎畢春氣達萌芽山川如焚密雲不雨仲春之月日在奎則是一春大旱也兩唐書元宗紀八年皆不書春旱而七年則舊史書七月以亢陽日久上親錄囚徒新史書閏七月以旱避正殿徹樂減膳慮囚五行志則并七年秋旱亦皆不書史文之詳略不同如此資治通鑑則七年不書於八年正月書大旱有魃僂人作魃狀戲于上前云云則八年之旱正月已然矣下云分命舊相

尚書許國公蘇頌以瑞祝之辭旅于西嶽傳稱頌自景龍後與張說以文章顯稱望略等時號燕許大手筆帝愛其文令別錄副本署臣某撰當畱中此時以旱因令頌撰祝辭并往祈于西嶽也是年正月頌罷相為禮部尚書俄檢校益州大都督長史碑故稱之為舊相尚書而其禱西嶽則在未檢校益州長史之前也撰文者宣義郎華州華陰縣主簿平陽成廩開元時有咸冀為十八學士之一圖形含象亭又成廩業唐書附趙冬曦傳由大理評事入集賢院修撰坐事左遷餘杭令似與此撰

金石萃編卷七十一
文之咸廩皆不合姑識之書碑者殿中侍御史彭
城劉升唐書作劉昇附見劉德威傳云德威彭城
人德威子審禮審禮弟延景延景子昇開元中累
遷中書舍人太子右庶子能文善草隸似卽此劉
升惟不言其官殿中侍御史與碑不同耳篆額之
李休光無傳碑書用字俱闕筆作田

金石萃編卷七十二終

金石萃編卷七十三

賜進士出身 誥授光祿大夫刑部右侍郎加七級王昶撰
唐 三十三

本願寺舍利塔碑

碑連額高九尺二寸廣四尺二十四行行五十二字行書額題大唐本願寺舍利塔八字正書

宇宙之外有聖人焉乘時而來知變而逝道不可以終
喪故授之以像是以聖人之體見乎舍利聖人之容見
乎廟聖人之尊嚴見於塔三者廣大悉備聖人之化業
存矣曰鹿泉信士畢瑜張成道心之權焉者也歸或是
與聲塵若奔高尙淨名之事欽惟睿覺之風悉心勵行

砥信昌言左右維南有佛實維慈氏畢公所立崇願將來冀其下生北面而事爰有淨邑長老王□□□五十二人欽若神界洗心安養清修其本式建彌陀乃西其居以正厥位太原胡仙經弥勒于北所以發其蒙也高足明惠設能仁於東所以昭其本也四子各以其志競心方面彫粹渥飾有休有倫庠綏四方豸魔自喪蕩蕩幻境居然化淳嗟乎不覩於茲安知天地大寶之所在也先是故寺主振法師故都維邨知慈法師業門之道勝也寺主僧希名都維邨僧惠仙上坐僧惠超威儀僧道光法師僧智秀律師口道瑗律師僧湛寂前上坐頭陀僧道解乃起合寺諸釋鄉城長幼及篤信翹客良等爲國建釋迦石像於北殿其高二丈有八尺開鑿啓發其功甚廣亦旣構立崇崇嶷然煥乎金光寂矣神峙紺目海視玉豪山轉衆美繁衍熊熊鏡天瓌壯偉麗城中所絕左藥王右藥土其高廿有五尺二者蓋前丞王務光張成之所造也渥彩耀靈光相暉炳峨峨抑抑信生人之真救焉夫惟王公博孝之君子也母氏聖善卒於茲邑銜恤在疚莫知所從以爲俎豆牲牢不足以光贊營魄乃樹斯妙業以展寒泉之心相此則寶林德水之必然也日

有唐開元八年繕理

畢經始于今廿有五載是時碑既未倫而振孫俱歿王
以又徙職於壽陽法門智秀有恒其德仰茲廣業追惟
聚散恐歲月浸遠元由茂聞越九年作噩歲春仲望乃
與前塔合而爲頌宣之豐石以存萬古其詞曰
歸哉靈塔既口其崇舍利內德光暉外融四德既位万
德咸豐作鎮荒劫皇哉覺風萃彼曾廟有靈其巋擢擢
皇皇紫金維色法雲亞聖左右翼翼既清昏波與時偕
極真源淳淳合變而身矧茲像設又倍遺塵不有轍迹
孰知所臻勒銘金石作鎮天人

此碑獲鹿孫按察家掘地得之乃鹿泉信士畢瑜造

塔藏舍利者行草亦不惡石理脆亡其真耳
石墨 鐫華

北岳府君碑

碑連額高九尺六寸廣四尺九寸七分二十九行
每行四十七字行書額正書在曲陽縣北岳廟

大唐北岳府君之碑

御史中丞韋虛心撰

宣義郎前邠王府參軍直祕書省潁川陳懷志書

嘗試論之曰融爲瀆結爲阜則詞人之體物詳之矣智

樂水在樂山則聖人之微言列之矣或乃叅里愚谷因

居以制号紫蓋白雉像形而定極分石帆而爲破石對

射的而云射堂武關之啓地門下都之建天柱莫不万

彙斯毓五精是應必請魑魅之塗式作隱淪之宅傳諸
簡牒備乎聞見竊比岳宗旨均魁父北岳恒山者北方
之巨鎮也尔其崗巒紛紜根底盤薄或壁立或砥平傍
匿于嶺下括衆壑珍禽竒獸益虞之目駭不能名芳草
甘木棄麝之心計莫之數瓊膏石髓慶忌林兵時時聞
出往往迭見舒丹氣籠翠微蒼蔚朝躋披重壤以雲口
騷屑暮起吸万籟以風怒漢宗聽宋昌之策以諱遷常
趙主從姑布之談以賢臨代林麓之富何有何無但觀
夫峽谷峭峙地勢块軋迤太行而緜碣石負寒谷而面
冰川限華夷之表裏壯宇宙之隘害培塿九折胚胎四

口一佇望州載磔瞻魯崇嶽似畫匪陷危以增觀清廟
如在不加敬而自祗夫其重局固護交軒密勿三間四
表神漠漠以扶傾東序西廂心惏惏而發悸朱鳥拂棟
玉女窺牕藻績丹青俾赤城之霞起圖寫精異疑絳河
之仙集恍恍忽忽若陰若陽吁可畏乎其駭也以先天
二年有瀛州清苑縣人魏名確爰因行李至岳廟之前
乃見二人一者白衣一者紫服侍從甚肅進止不凡自
云我是五岳大使發兵馬六十万衆爲國討賊五岳大
神九月三日俱來此山大爲歡會名確遷延未去諸神
遂乃作怒牽至廟中用申責罰祝史楊仙童親見其事

乃馳告官司州將駭之隨以聞奏勅遣上宮及內謁者
齋神衣禮物以赴會期凡厥寮案共陪享祭惟神妙略
遐舉猛銳長驅不勞戴鷁之師已決陣虵之効國家德
邁堯封道兼虞覲盛唐入詠竭南服以登濶訓夏從遊
窮西荒以銘夤暨首貫甸之族俗有望雲文鉞碧帑之
責府無虛月瘞峯沉渚不爽於告成五禮四朝自尊乎
升道書云十有一月北巡守至於北岳豈不以崇望秩
之儀備矣得諸侯之度宏矣以爲不嚴而理本乎禮樂
旣富而教寄以循良晤口棠之匪坐借長馮之高臥刺
史高豫化以亂繩導規長者搯其宣布託諷虛儀一澄
睇於露冕幾揚仁於風扇長史嚴德珪司馬董口漢編
博達西蜀明其犯斗晉政記言南史推其直筆恒陽縣
令劉元宗系肇御龍位光馴雉蒲城務簡歎淹中以勿
欺丞王晏洛汭浮仙淮流襲慶楚國在壇之寶庚室豐
年之玉文章維伯昔入仲宣之跪人物雌黃今得林宗
之拜主簿姚繪之尉閣宏搏扶逸翮未遷振鷺之行縱
壑巨鱗且仕亨鮮之輔岳令司徒乾超和光偶俗內剛
外柔不附膏庾自安下仕鄉望等並海岳精靈燕趙奇
傑賓從奕奕選徒於擁篲之賢氣調凜凜結友於負荆
之將平原旅食是日處囊太子新交乘風聽筑地極殷

早衮服如雲俗尚儒術青衿成市侶琴樽以卒歲優哉
遊哉狎泉石之娛老無營無欲手舞足蹈異口同音詢
墨客於千里標黃爾於億載故能屈蔡中郎之詞彩以
紀豐碑訪王右軍之神蹤以鑿金石其詞曰
土之聚兮成山山龍從兮石爛班屹常岳兮作鎮披重
壤兮聳千仞將觀日以齊宗兼極天而北峻跨荆巫迤
蓬壺挾慕容之舊都帶簡子之藏符列真宇兮隱淪宅
巖花開兮樹葉坼既口天地險又作華夷隔巖祠沕穆
神儀儼雅迫而察之駭人也雕楹翁艤兮報駁綠雷清
冷兮露灑麤虜咆哮口荐北郊岳靈赫怒兮弥落傾巢
銘十角於燕嶺猱隻輪於晉峭 皇道貞明兮太階

平梯山驟水兮奄裨瀛口出豫兮勒功成一巡肆觀兮
考幽明寄剖竹兮仁風清召題輿兮康哥行郎出口兮
百里榮桓不樂兮口安輕州縣口職兮人之英恒碣降
神兮岳之精詢謀僉同兮表志口披文相質兮蹟堅貞
懸一字兮莫與京俾千祀兮昭令名髣髴風塵兮垂頌
聲

開元九年三月廿六日立

碑陰

李復詩 十九行行
八字正書

五言 晚秋登恒岳晨望有懷 定州司馬李復

二儀均四序五岳分九州靈造良難測神功匪易酬

恒山北臨代秀峯東跨幽瀕洞鎮河朔嵯峨冠嵩丘

禋祠彰舊典壇廟列平疇古樹侵雲密飛泉界道流

從官叨佐理銜 命奉瑊羞薦玉申誠効鏘金諒

有由郊原照初日林薄委徂秋寒近風聲厲川長霧

氣收他鄉饒感激歸望切祈求景福如光願私門當
復候

高述等題記 五行行十一字或十字
十二字不等左行行書

義武支度副使檢校秘書少監前易州刺史兼御史

大夫高述弟左贊善大夫兼御史中丞遇元和三年

四月三日同 禱祀

周載題記 四行行八字九字
不等左行正書

義武軍節度掌書記監察御史裏行周載元和十年

三月十四日奉 命來祭

鄭志等題記 八行行十四字十三
字不等左行正書

勅元和十一年十月八日立冬祭

初獻節度衙推將仕郎守試秘書省秘書郎兼殿中

侍御史前定州大都督府錄事參軍鄭志

亞獻將仕郎前守恒陽縣尉攝恒陽縣令兼防城兵

馬使李欽

終獻朝請郎前行汝州邠城縣尉攝恒陽縣主簿鄧

公楚

薛鍛等題記

七行行十二二十三
字不等左行正書

勅大和五年九月廿四日立冬祭

初獻攝節度巡官朝請郎前試武衛兵曹參軍薛鍛

亞獻將仕郎守易州滿城縣令攝曲陽縣令顧文賞

終獻宣德郎前試左衛率府胄曹參軍攝曲陽縣尉

辛次儒

薛嗣立等題記

八行行十四十三
字不等左行正書

勅大和七年九月十七日立冬祭

初獻節度巡官登仕郎試太常寺太祝騎都尉薛嗣

立

亞獻將仕郎守易州滿城縣令攝曲陽縣令顧文賞

終獻鄉貢進士攝曲陽縣尉趙勤

太祝官節度逐要通直郎試邑王府長史攝曲陽縣

尉并攝岳令李寬

又

七行行十三字或十字
十一字不等左行正書

勅大和八年九月廿七日立冬祭

初獻節度巡官試太常寺太祝騎都尉薛嗣立

亞獻將仕郎守易州滿城縣令攝曲陽縣令顧文賞
終獻將仕郎前試太常寺奉禮郎攝曲陽縣尉趙勤

薛襄等題記 六行行十二字
十字不等正書

觀察推官試詹事府司直薛襄

前右武衛曹參軍薛詢

攝曲陽縣令薛護

開成五年八月廿六日奉 尚書潁川公命拜

北嶽廟禮畢而退

陳去疾題記 六行行十字十
一字不等正書

攝節度判官權知州事給事郎前守蔡州司馬陳去

疾

會昌四年仲春月 幕府率由舊章去疾承 命

有事于 安天大王廿一日題

鄭放張宜悔等題記

判史鄭放 別駕李克嗣 宣義郎行恒陽縣丞張

宜悔 長史寇瓚 司馬張肅 專口官儒林郎行

恒陽縣尉李嗣元 錄事參軍畢彥孫 觀察支使

監察御史裏行薛襄

會昌四年八月七日奉 命秋祭

梁兢等題記 五行行十字
左行正書

真定中山府路廉訪使者梁兢同弟承信郎存挈家
恭詣 嶽廟修祠事宜和壬寅歲臘月望日謹識

碑兩側

仇文義等題記

五行行二十二
三字不等正書

易定監軍使正議大夫行內侍省內謁者監員外置
同正員上柱國南安縣開國易食邑三百戶賜紫金
魚袋仇文義

內養充易定別 勅判官朝議大夫行內府局令員

外置同正員上柱國奇章郡開國男食邑三百戶辛

廣祐

大和八年十月七日到祭 岳鑄記

薛康等題記

四行行二十一
十字不等左行正書

勅開成元年九月十九日立冬祭

初獻觀察支使登仕郎試太常寺協律郎騎都尉薛

康

亞獻儒林郎前行易州容城主簿攝曲陽縣令元沂

終獻將仕郎前試太常寺奉禮郎攝曲陽縣尉趙勤

李潛等題記

四行行二十一
九字不等左行正書

勅開成二年十月一日立冬祭

初獻攝節度巡官朝請郎前試左武衛兵曹參軍李

潛

亞獻承奉郎試左衛兵曹參軍攝曲陽縣令趙斌

終獻文林郎試太子通事舍人攝曲陽縣尉元寶

崔元藻等題記

四行行二十八十八十六字不等左行正書

勅會昌四年九月十七日立冬祭

初獻攝易定等州觀察判官文林郎前試大理評事

兼監察御史崔元藻

亞獻攝館遞迎官將仕郎前守深澤縣令苗紉

終獻朝請郎前行曲陽縣尉攝尉李宏敏

高品等題記

七行行廿二廿三字不等正書

維大宋大中祥符一載歲次己酉四月丙戌朔八

內內侍省內侍高品朱允宗奉

命馳騎於北嶽

安天王并真君觀闕啓祈雨道場各三晝夜罷散

日致祭設醮至二十五日迴鑄記

亞獻官右班殿直知曲陽縣兼兵馬監押沿邊諸山

口寨巡檢勾管廟觀牛修已

終獻官本州節度推官宣德郎試大理評事高學古

惠價等題記

七行行廿四廿八十字不等正書

大中祥符三年八月十五日辛酉奉直郎守太子左

贊善大夫武騎尉賜緋魚袋惠價奉

命馳騎於

北嶽祭告來春有事于后土

亞獻宣德郎守殿中丞通判軍州兼制置營田勸農
事盧士宗

終獻右班殿直知曲陽縣兼兵馬監押沿邊諸山口
寨巡檢勾管北嶽廟觀牛修已

攝太祝節度推官宣德郎試大理評事高學古

陳懷志此碑在李北海雲麾之下法華之上蓋以其
筋骨有餘而丰度微澁爾

蒼潤軒
帖跋

按開元禮諸嶽鎮海瀆每年一祭各以五郊迎氣
祭日祭之前一日嶽合瀆合清埽內外贊禮者設初

獻位于壇東南亞獻終獻於初獻南少退祭日行
事唐書禮儀志北岳恒山祭于定州文獻通考其
牲皆用太牢祀官以當界都督刺史充此碑碑陰
所紀祭日皆以立冬祭官皆定州守土者姓名分
列三獻與諸書合也文述先天二年清苑人魏名
確至岳廟前見二人云是五岳大使發兵六十萬
衆爲國討賊九月三日俱來此山大爲歡會州將
聞奏勅遣上宮及內謁者齋神衣禮物以赴會期
凡厥寮案其陪享祭云云事涉神異史志皆所不
載考舊唐書元宗紀先天二年七月三日竇懷貞

金石錄卷二十三
等與太平公主同謀期以其月四日以羽林軍作亂上密知之皆執諸人斬之碑所謂爲國討賊者殆指此事也碑文章虛心撰陳懷志書唐書韋湊傳云虛心字無逸景龍中遷御史中丞歷荆潞揚三大都督府長史入爲工部尚書東京留守累封南皮郡子此碑開元九年立而猶題御史中丞則其官中丞歷十餘年之久矣陳懷志史無傳其官邠王府叅軍唐書章懷太子賢傳次子守禮嗣王唐隆元年進封邠王懷志爲其府中叅軍碑陰碑側皆元和以後歷次祀官題記後有宋大中祥符題記二段并附之 又按北嶽恒山在五嶽中最爲橫亘綿長故起自山西之渾源州迄于直隸定州之曲陽皆有恒山之名禹貢太行恒山至于碣石入於海孔安國注二山連延至碣石也是恒山與太行皆連延也管子云其山北臨代南俯趙東接河漢之間胡三省通鑑注恒山挺峙于冀州之中爲東西屏蔽巖穴高深道路險阻出奇者所必由也山西通志云北嶽恒山在渾源州城南二十里高十里周百三十里由恒山南行爲太行王屋西南盡于河東行爲紫荊居庸而東北盡于海畿

輔通志云恒山在定州曲陽縣西北一百四十里
 直保定府西境及山西大同府東境蓋曲陽之西
 北近渾源之東南壤地不甚相遠也然稽之元和
 郡縣志及兩唐書地理志惟于河北道定州曲陽
 縣注有恒嶽有岳祠其今之渾源州在唐末謂之
 渾源縣在隋為平寇縣地在兩漢魏晉為崞縣地
 後魏改名為崞山縣後屬繁峙縣見大清攷元
 和志及兩唐書繁峙崞縣並屬河東道代州而無
 渾源之名疑是後唐所置兩且五代史又不詳不注恒山在其縣
 蓋在唐時專以恒山屬之曲陽也其渾源之立廟

始于前明馬文升之疏 本朝遂著為定制文升

疏云恒山北嶽在今大同府渾源州歷秦漢隋唐
 俱于山所致祭五代河北天據宋承石晉割略之
 後以白溝為界遂祭恒山于真定府曲陽縣歷元
 迄本朝因循未曾釐正文皇帝遷都北平真定反
 在都南當時禮官不能建明前循舊陋夫周禮曰
 恒山為并州鎮在正北一統志曰恒山在渾源州
 南二十里又渾源廟址猶存故老傳說的的不虛
 乞行禮部再加詳考於渾源州恒山廟舊址增修
 如制云云顧寧人辨之曰古之帝王其立五嶽之

祭不必皆於山之巔其祭四瀆不必皆於其水之源也恒山綿亘幾三百里而曲陽之邑於平地其去山趾又一百四十里馬文升所以有改祀之請也考之虞書十有一月朔巡狩至于北嶽周禮并州其山鎮曰恒爾雅恒山爲北嶽注並指爲上曲陽三代以上雖無其迹而史記云常山王有罪遷天子封其弟子真定以續先王祀而以常山爲郡然後五嶽皆在天子之邦漢書云常山之祠於上曲陽應劭風俗通云廟在中山上曲陽縣後漢書章帝元和三年春二月戊辰幸中山遣使者祠北

嶽於上曲陽郡國志中山國上曲陽故屬常山恒山在西北則其來舊矣水經注乃謂此爲恒山下廟漢末喪亂山道不通而祭之于此則不知班氏已先言之乃孝宣之詔太常非漢末也魏書明元帝泰常四年秋八月辛未東巡遣使祭恒嶽太武帝太延元年冬十一月丙子幸鄴十二月癸卯遣使者以太牢祀北嶽太平真君四年春正月庚午至中山二月丙子車駕至于恒山之陽詔有司刊石勒銘十一年冬十一月南征巡恒山祀以太牢文成帝和平元年春正月幸中山過恒嶽禮其神

而反明年南巡過石門遣使者用玉璧牲牢禮恒
嶽夫魏都平城在恒山之北而必南祭于曲陽遵
古先之命祀而不變者猶之周都豐鎬漢都長安
而東祭於華山仍謂之西嶽也故吳寬以爲帝王
之都邑無常而五嶽有定歷代之制改都而不改
嶽太史公所謂秦稱帝都咸陽而五嶽四瀆皆并
在東方者也隋書大業四年秋八月辛酉帝親祠
恒嶽唐書定州曲陽縣元和十五年更恒嶽曰鎮
嶽有嶽祠又言張嘉貞爲定州刺史於恒嶽廟中
立頌予嘗親至其廟則嘉貞碑故在又有唐鄭子
春韋虛心李荃劉端碑文凡四范希朝李克用題
名各一而碑陰及兩旁刻大歷貞元元和長慶寶
歷大和開成會昌大中天祐年號某月某日祭初
獻亞獻終獻某官姓名凡百數十行宋初廟爲契
丹所焚淳化二年重建而唐之碑刻未嘗毀至宋
之醮文碑記尤多不勝錄也自唐以上徵于史者
如彼自唐以下得于碑者如此於是知北嶽之祭
於上曲陽也自古然矣水經注曰上曲陽故城本
嶽牧朝宿之邑也古者天子巡狩常山歲十一月
至于北嶽侯伯皆有湯沐邑以自齋潔周衰巡狩

禮廢邑郭仍存秦以立縣縣在山曲之陽是曰曲陽有下故此爲上矣而文升乃謂宋失雲中始祭恒山于此豈不謬哉渾源之說始于文升自成化以前初無此語渾源之廟並無古蹟不知作于何時如秦山華山之上亦各有言而大廟俱在其下特曲陽相距稍遠而今制又分直隸山西二轄人遂因此疑之疏中所云故老傳說正足見其不出于史書而得諸野人之口也先是倪岳爲禮部尙書已不從文升議而萬歷中沈鯉駁大同撫臣胡來貢之請又申言之皆據經史之文而未至其地予故先至曲陽後登渾源而書所見以告後之人云按亭林此辨作于北嶽未定制之先今以其語引據此碑爲證多所發明爲存其說附于此

吳文碑

碑僅存下截高三尺一寸廣四尺二寸三十五行字數無攷行書

缺碑在京興福寺陪常住

缺大雅集 晉右軍將軍王羲之行書勒上

缺也肇自石樓東鎮守封司地之班金冊西苻啓命將

軍之秩雖缺師中尉搃南宮之禁其或膽劉如鐵擦緊

明霜酌龍豹之神韶缺榮名溢寰海功埤動植其誰由

然哉惟大將軍吳公諱文字才缺大夫行內給事父節

皇朝金紫光祿大夫行內常侍七貂缺之德是

使金鋪接慶玉璽承官長戟榮於司宮高門聰於寺伯

公缺雅局就於孩年量轉奇規英斷裁於稚齒源之乎

鵬之為鳥不飛缺法勵已荷公不私補過愕愕於宮闈

匪懈兢兢於夙夜缺勞撫公以秩授公文林郎適舉從

班也公謹密居體謙光潛旨問缺之賞非公而何冬十

二月又制轉公右監門衛大將軍建缺宸神龍

三年又制舉公鎮軍大將軍行右監門衛缺社

固以鋒交衛霍擢衝田寶橫雷步於朱軒跪龍

顏於青缺土之祿敢對敬天子之休命也唐元

年又制進封缺之冊三階應歷八命騰遷持大

義而不可棄保元勳而若無有則缺皇上欽腹心之寄

也公平均七政恭踐五朝樹德務滋循躬缺成脩乃奏

乞骸骨身歸常樂詔許公焉尚書謝病非無給

缺彩窺四序之留難秋蓬颯飛收百年之卷促賈長沙

之憤結庚鵬缺呼維公開國承社正家崇秩葉嗣傳於

紱紱鼎胄曳於黃雲元戎缺魚之行乎大壑其量府也

黃金白玉方滿君之北堂其賓賢也虬缺風軌物傑臣

飛將其在公乎夫人恒國李氏圓姿替月潤臉呈花缺

口七年十一月十二日先公而殯公以開元九年十月

廿三日循窆缺口落松扃金雞鳴而春不曉玉犬吠而

秋以暮塵將軍於地下意氣缺口卧於平生窻帳殊於

窻窻則公夫人之顧命顛不合於雙指焉於缺議大夫

行內常侍上柱國處行明姿鑒俗謹身從道元方長子

高缺郎行內僕局丞上柱國昇行及厥塵滓開心大乖

出俗網之三灾迴缺連局丞騎都尉處昂等並痛切終

天悲銜散五雖復合蓮花萼聰缺口五色詞騰七虫王

公在昞缺聖主承知夢八門而出飛屈五缺

缺神出自天秀蓋非常人復禮由己依仁立身舉圖橫

海公乎動鱗缺有珪詩薇孟子相舉王柏南山之壽嶠

立其齊西山之照不意全缺伯銘金穎川故事遵揚德

音杳杳藤榔青青柏林旌勲表頌孝子缺

缺林郎直將作監徐思忠等刻字

菩提像一鋪居士張愛造

此碑斷缺棄西安城南隍中王生堯惠輩見之以語

郡守昇置類宮碑為大將軍吳文立宏福寺僧大雅

集右軍書余觀其筆法去聖教遠甚應是集字者不

及懷仁而碑中有開元九年字疑又從聖教序諸刻

中摹集非右軍真蹟也石墨 鐫華

此碑却少上半其敘之人只存其名而已姓亦不存
集人大雅乃興福寺僧故世謂之興福帖其集王字
顧獨得其精神筋力儼如生動不比懷仁只得其形
模并其古澹之趣而已是以書家重之墨林快事
其文有曰夫人李氏圓姿替月潤臉呈花唐人寫狀
婦容云爾猶有碩人詩意今人以為嫌不肯作此語

矣

金石文
字記

此碑破碎視之已無碑形余手摩其文止餘口口口
字文已不可讀尚存宏福寺僧大雅集右軍書為大
將軍吳文立又有開元九年字若神鬼呵護並姓名
年代無一殘闕亦奇矣此石萬歷間王文學堯惠遊
於西安府隍中見之亟語郡守移置領宮余聞吾家
有道碑遭一儒生布氈其下嘯賞良久一夕失所在
跡之無蹤今刻惡道匿跡訖無傳之者與成土灰何
異堯惠自我得之不私諸己使右軍遺跡亡而復存

賢矣哉

金石
史

古今碑刻集右軍書見諸載記者凡十八家皆從聖
教序出此碑其最著者也

鐵函齋
書跋

文中神龍三年下有所謂唐元年者應是唐隆元年
避元宗諱去一字耳

關中金
石記

右鎮軍大將軍吳文碑失其上半有云長戟築于司
宮高門聯於寺伯又銘辭云詩徵孟子相舉王稽知
其為內侍也文之祖內給事父內常侍其子或官內
常侍或官內僕局丞或官掖庭局丞身為宦者何由
有兒而子孫相承至于四世蓋權勢所在必由附麗
以進內侍之養子恆為內侍謬種流傳理之所宜有
者降至末季遂有以士大夫而願為中官養子者矣
其云公夫人之顧命願不合於雙棺則文妻未嘗合
葬也史載高力士娶呂元晤女李輔國娶元擢女而
文亦有妻李氏然則唐之宦者固多有妻以宦者而

抑良家以為胙合詎宜以同穴之禮責之也哉

游研堂金

石文
跋尾

碑斷立失其上半文多不屬其中推次成句者有云
以秩授公文林郎適舉從班也又制轉公右監門大
將軍神龍三年又制舉公鎮軍大將軍行右監門衛
又奏乞骸骨身歸常樂蓋以宦寺引年非怙寵於終
也其云平均七政恭踐五朝則上逮高宗皆已服事
宮掖矣後又云公夫人之顧命願不合於雙棺顧命
之義上下亦得通稱蓋起于葉公之顧命又後漢書
趙咨傳子允不忍父體與土并合欲更改殯祇建譬

以顧命蔡中郎集朱公叔墓前石碑其孤野受顧命
陳太邱碑臨歿顧命司空臨晉侯楊公碑寢疾顧命
是也文諸子名位俱存于碑者三人行內常侍上柱
國處行行內僕局丞上柱國昇行口庭局丞騎都尉

處昇 授堂金
石跋

郭思謨墓志

石高廣各二尺五寸六分三十
行每行三十字正書今在洛陽

大唐故蘇州常熟縣令孝子太原郭府君墓誌銘并序
進士吳郡孫翌文

夫孝者百行之本故詩美張仲傳稱穎川所以軌物而
前乎人用也悠悠千古誰其似之實我府君能錫類矣

公諱思謨太原平陽人其先出自有周豨卅之驪史
謀詳之矣尔其隗以奇榮立丹以志業聞泰以人倫稱

象以文學著蹟祉積慶世不隕德 曾王父昇周朝東
平將軍上儻郡守 大父則隨銀青光祿大夫尚書度

支郎中淮陵郡守隴右巡農使邊鄙不聳寔資介胄之
雄儲侍已均方知會計之力專城無警奉使有光矣

嚴孝敬同 皇幽素舉高第養親不仕易曰幽人貞之
又曰素履無咎幽素之義其大矣哉 幽素府君有三

子其季曰 我公俱仁孝絕倫感通天地 太夫人嘗

有疾口羊肉時禁屠宰犯者加刑日號泣於旻天而
知其所出忽有慈烏銜宗置之階上故得以馨潔其膳
猶疑其儻然他時憶菴蘿菓屬感發之辰有類求芙蓉
於木末不可得也兄弟仰天而歎庭樹爲之犯雪霜莖
而實矣 公取以充養且獻之 北闕于時 天后造
周驚歎者久矣命史臣褒贊特加旌表無幾何憶新筍
復如向時之苑結又無告焉後園叢篁忽苞而出所居
從善里其竹樹存焉異乎哉書傳所闕者今見之矣
公始以孝子徵解褐拜定州安平縣丞下車未幾而東
胡作孽虔劉我士卒撓亂我邊陲恒代之間亭候無守
河決非覆簣能制原燎豈負甕可加而 公之小邑亦
受屠矣身被囚虜命懸鋒鏑出於萬死之中與其一切
之計大殺寇盜載完郭郭雖田單之復齊城曹沫之歸
魯地蔑以過也招慰使奏加 公朱紱擢讓不受屬內
憂服闋轉江陽縣丞又應廉讓舉擢武功尉秩滿遷常
熟令凡佐三邑而宰一縣所居必化所在必理事務於
德夫何不臧 公曰二昆長曰思誨易州司馬次日思
訓大理司直不永介福俱已先世遺孤凡十有三人或
在髫鬢或居襁褓公撫之育之出入腹之子漸乎義方
女嬪于他族人不知其諸父蓋孝悌之至也稟命不融

春秋五十九開元九年正月二日寢疾終於官舍以其
年十一月甲辰朔十七日庚申祔葬洛陽東門平川禮
也初公娶于彭城劉氏無子而卒再娶河南元氏有
二女亦先朝露矣琴瑟不可以終徹享祀不可以無繼
又婚清河張氏故江州刺史嘉言之孫奉禮郎慎思之
女作配君子休有列光彼蒼如何殲我良人有子曰完
曰宗佾幼冲未知飾終追遠之禮易州府君家嫡字
採他山之石昭銘景行其詞曰

循陔者子兮行通神明家邦必達兮休矣清聲天難忱
斯兮胡不永齡哀哀羣稚兮泣盡孤塋

開元九年孫翌撰并書石在洛陽城內董金甌家石

文字記
補遺

碑記思謨事母孝感異蹟及武后旌表之事云祔葬
洛陽東門平川碑中肉字作尖茂作薨皆異文尖字
見吳越春秋又見漢史晨後碑薨字見漢書表又以
上黨郡作上儻因知儻卽黨字之俗故漢書侗儻只
作倣黨也孫翌字季良偃師人所撰又有高福墓志
在長安題云麗正殿修撰孫翌季良會要稱其以校

書郎爲集賢院直學士

中州金石記

郭君思謨與思訓昆弟也前思訓誌載曾祖興周上

黨郡守平東將軍此誌獨以爲名昇莫識所謂思謨
始以孝子徵解褐拜定州安平縣丞轉江陽縣丞擢
武功尉遷常熟令又載其仁孝之感慈烏銜肉菴蘿
冬實取以供母當時上之天后命史臣褒贊又云憶
新筭叢篁忽苞而出從善里竹樹存焉孝感如此而
新書孝友傳不附其名或者亦飾爲之與思謨父幽
素舉而身又應孝讓舉以見唐制之繁如此

授堂金石跋

按郭思謨兩唐書無傳碑敘其曾王父昇大父則
考孝同亦俱無攷下云皇幽素舉高弟皇謂皇朝
也幽素舉者舉幽素科也文獻通考唐制科名目
及中制科人姓名惟載乾封元年一條幽素科蘇
瓊解琬苗神容格輔元徐昭劉納言崔谷神及第
並無郭敬同姓名前後亦別無舉幽素科之事碑
云菴蘿菓屬腐發之辰兄弟仰天而歎庭樹爲之
犯雪霜華而實矣法苑珠林龍告如來言吾憶往
昔曾于寺舍中入樹林下盜取現在僧物十菴羅
果而私食之本菴蘿菓樹生若林檎而極大又
名菴摩羅伽果然皆不言實于何時要之非隆冬
所有也碑云天后造周公始以孝子徵解褐拜定
州安平縣丞下車未幾而東方作孽公之小邑亦

受屠矣云云唐書則天紀聖歷元年八月突厥寇
定州刺史孫彥高死之碑載思謨爲安平丞殺寇
盜完郭郭卽是時也

李文安石浮圖銘

碑高三尺九寸七分廣二尺九寸五分十八行行廿二字行書

大唐易州新安府折衝李公石浮圖之銘

夫至道潛運不言而化成大象孕靈不幸之功遂斯則
神元妙蹟雖日用而莫知况耳目不該豈視聽之能識
由是給園多士並赴緇林方丈比正咸歸奈苑有想非
想住法非常樂之宗色空卽空生滅豈菩提之果於是

清信士易州新安府折衝都尉李文安遊心正覺妙達
苦空知勞生之有涯設津梁於彼岸迺於范陽縣西雲
居寺爲亡妻河東郡君薛氏敬造石浮圖一所旁求瓌
礪形岫爲之獻琛遠召良工班輸以之呈巧盤螭隱伏
與雲絳而相交靈鳳將翔共陽鳥而接翼飛空七級狀
多寶之移來騰虛四迴疑衆仙之涌出兼以山含萬象
地韞靈奇蓮沼澄光似猴池之浴日松枝引籟若祇樹
之吟風衆妙難名約數厥美冀同拂石万劫茲山銘曰
麗哉鑿鑿出矣崑山磨礪不日神儀婉然亭亭淨域峩
峩給園光浮十界色照三天一衆妙功德莫惟斯重鏤

鳳傍矯雕龍上聳買地有菓福田無種利益潛通存沒
偕奉

開元十年四月八日建

易州前遂城縣書助教梁高望書

奉先寺像龕記

碑高四尺廣二尺三寸三分共
二十行行三十八字左行行書

河洛上都龍門之陽 大盧舍那像龕記

大唐高宗天皇大帝之所建也佛身通光座高八十五
尺二菩薩七十尺迦葉阿難金剛神王各高五十尺粵
以咸亨三年壬申之歲四月一日 皇后武氏助脂

粉錢二萬貫奉 勅檢校僧西京實際寺善道禪師

法海寺主惠暎法師大使司農寺卿韋機副使東面監

上柱國樊元則支料匠李君瓚成仁威姚師積等至上

元二年乙亥十二月廿日畢功調露元年己卯八月十

五日奉 勅於大像南置大奉先寺簡召高僧行解

兼備者二七人闡卽續填創基住持軌法莫律而為上

首至二年正月十五日 大帝書額前後別度僧一

十六人並戒行精勤住持為務恐年代綿邈芳紀莫傳

勒之頌銘庶貽永劫云尔 佛非有上法界為身垂形

化物俯迹同人有感卽現無罪乃親愚迷未隔唯憑信

因寔賴我 皇圖茲釅質相好希有鴻顏無匹大慈
大悲如月如日瞻容垢盡祈誠願畢正教東流七百餘
載口龕功德唯此爲最縱廣十有二丈矣上下各百
冊尺耳

敕旨龍花寺宜合作奉先寺

開元十年十二月五日

河南 滕奉先寺

滕被符奉

敕旨如右請錄白入司施行滕舉者

滕寺准狀者今以狀 滕滕至准狀故滕

開元十年十二月十二日史樊宗滕

水經伊水出南陽縣西東北過陸渾縣南又東北過
伊闕酈道元注昔大禹疏以通水兩山相對望之若
闕春秋之闕塞是也韋應物詩鑿山導伊流中斷若
天闕而司馬君實之言曰龍門伊闕天所爲非山橫
其前水壅其流禹始鑿之然後通也斯言其信矣夫
山有八寺其一曰奉先像建自咸淳三年而以調露
二年賜額蓋闕去洛陽二十五里而近兩岸洞龕佛
像累千合夾侍坐立者幾盈萬此杜少陵詩所云氣
色皇居近金銀佛寺開也碑闕書者姓名或云袁元
哲按考正續書之康熙戊子竹垞八十翁彝尊識

集亭

右大盧舍那像龕記後附開元十年十二月牒云勅旨龍花寺宜合作奉先寺蓋調露賜額本云龍花寺記作于開元中追稱爲大奉先寺爾婁機漢隸字原云漢碑凡元亨字皆作亨至子孫享之之類又皆作亨攷之九經字樣凡元亨之亨享獻之享烹飪之烹只是一字經典相承隸省作亨者音響作亨者音赫平又音魄平後人復別出烹字其實皆可通用也予初見張阿難碑書咸亨爲咸亨疑其下筆之誤今此碑亦作享又唐書杜審言傳稱咸亨初蓋唐時雖用楷書猶存篆隸遺法咸亨卽咸亨正是從古朱錫鬯跋誤作咸淳不知高宗紀元有咸亨有永淳無咸淳也記末題進士都仲容記字體頗不類左旁又有政和六年題字以筆法驗之如出一手皆宋人所添入

也潛研堂金石文跋尾

盧舍那者釋元應大方廣佛華嚴經音義云或云噓祐那亦言盧折羅此譯云照謂徧照也以報佛淨色徧周法界故也又日月燈光徧周一切處亦名盧舍那其義是也記文左行按左行之體仿于瘞鶴銘當由厓上書丹手勢便利耳此亦用之疑當時牒文之

體後卽牒也記爲殷仲容撰仲容曾摹孔子十字篆書之人準字作准後人以爲避寇萊公諱至今用之據此碑已然按元重刻漢桐柏淮源廟碑云准則大聖五經文字云字林作准元應賢劫經音義准平注說文作準同則明准字自古有之俗云避寇準諱顧炎武又以爲宋順帝名準故沈約宋書平準令王準之皆作准蓋未然矣

中州金石記

按奉先寺河南通志寺觀卷河南府奉先寺在府城西南三十里闕塞山後魏時建似卽此碑所在之奉先寺通志特未詳言咸亨造像調露建寺之事耳想調露時因後魏寺址而施功也自咸亨三年四月造像至調露二年書額前後閱十年而歲事也造像則皇后武氏助脂粉錢二萬貫攷太真外傳楊太真有姊三人明皇並封國夫人之號皆月給錢十萬爲脂粉之資据此碑則武氏已先有脂粉錢之給矣又或謂之粧粉錢白香山詩四季徒支粧粉錢是也記後刻開元十年牒文碑無撰書龕記人名中州金石記謂爲殷仲容撰書舊唐書稱仲容則天愛其才官至申州刺史則當開元十年仲容之在亾不可知矣疑書龕記在調露二

年建寺之時而立碑在開元十年給牒之時也然
記末云縱廣方十有二丈矣上下各百卅尺耳文
體鄙拙仲容不至如是疑寺僧託名也

尉行忠造像記

記刻座上刻記處高三寸五分廣
二寸五行行八字十字不等正書

開元十一年五月五日尉行忠妻爲亡男設 七齋敬

造浮圖一塔又補故像一區合家一心供養 仏時

珪禪師塔記

石高一尺四寸橫廣二尺
十五行行十二字隸書

大唐嵩岳閑居寺故大德珪禪師塔記

大師諱元珪李氏河南伊闕人也上元式載孝敬崩度
繇寺焉宿殖德本無師自悟及少林尊者開示大乘諮
稟至道晚年居龐塢阿蘭若遠近結素受道者不復勝
記至開元四年歲次景辰秋八月甲辰朔十日癸丑終
于龐塢春秋七十有三十三日景辰權厝于寺北畱之
東至十一年歲次癸亥秋七月乃營塔於浮岵東嶺之
佐大師味淨之所而庭栢存焉癸巳晦奉遷于塔從僧
儀也弟子比丘僧仁素等刊此貞石以旌不朽

娑羅樹碑

碑本高廣尺寸行字俱不
計行書石在淮安府治

楚州淮陰縣娑羅樹碑并序

海州刺史李邕文并書

觀厥好德存樹愛人及鳥有情不忘雖小可作夫施及
者也則有宗廟加敬墟墓增悲覩物可懷比事斯廣此
觸類者也矧乃通感靈變靡符聖迹根極淨土碩茂
佛時燭金山之景彰照玉象之殊相至若泥日法會荼
毗應身妙有雙樹之間光覆僧祇之衆安可混曜散木
比列清林議上茅之挺生喻堅固之神造者也娑羅樹
者非中夏物土所宜有者已娑娑十畝映蔚千人密幄
足以綴飛颺高蓋足以却流景惡禽翔而不集好鳥止
而不巢有以多矣然深識者雖徘徊仰止而莫知冥植
博物者雖沉吟稱引而莫辯嘉名華葉自奇榮枯嘗異
隋所方面頗徵靈應東瘞則青郊苦而歲不稔西茂則
白藏泰而秋有成唯南匪他自北常尔或季春肇發或
仲夏萌生早先豐隨晚暮儉若且槁莖後吐芬條前秀
差池旬日奄忽齊同無今昔可殊非物理所測古老多
恠時俗每驚巫者占於鬼謀議者惑於神樹證聖載有
三藏義淨還自西域逮茲中休信宿回依齋戒瞻歎演
夫本處徵之舊聞源其始也榮灼道成之際究其末也
推藏薪盡之餘或森列四方或合并二體常青不壞應

現分榮變白有終不滅同盡昔與釋迦蔭首今爲羣生
立緣夫 佛病從人大慈感故樹萎回物深悲理然
化能分身半枯卽是心有合相後茂還齊且其表正聖
神靈貺品彙以變見一攝而稱讚十方者也淮陰縣者
江海通津淮楚巨防弥越走蜀會閩驛吳七發枚乘之
丘三傑楚王之窟勝引飛轡商旅接艫每至同雲冒山
終風振壑宦子惕息槁工疚懷魚貫迤其萬艘霧集空
於曾渚莫不膜拜圍遶焚香護持復悔多尤迴祈景福
於是風水相借物色同和挂帆啓行方岫駿邁浮山崕
起而疏巘慶雲亂飛而比峰雖電影施鞭李父杖策罔
可喻其神速曷云狀其豁快者哉州牧宗子名仲康廣
孝惟家大忠形國播清政以主郡儀古式以在人知微
知章有禮有樂別駕扶風竇公名誠盈盛門貴仕懿德
令名利用以厚生明略以營道上交不諂下交不黷司
馬宗子名景虛受賢交幹用柔克退遂中律先後自公
且觀麟芝之詩未驪驥子之任邑宰清河張公名松質
貌自雉節忽乎博聞始於能賦而彰中於成器而立牧
人通急徇物合摧威肅懾於神明慈惠安其父母豈伊
政理自有寸名莫不淨慮一乘追攀八樹歎後植而多
感惟化生而永懷大啓上緣率心檀施碩德道暉寺主

金石錄卷之二十三
道廳上座道絢都維郵曇一等皆妙覺圓常釋門上首
痛金棺而既往駛堅林而在茲卿望司徒廳簡戴驪景
王廳珪張仁藝王懷儼劉元隱沈信詳等夙悟大師深
入實際勤行進力護供莊嚴揚州東大雲寺法師希廳
廣派法流固桓德本戎行有以鎮浮俗利言有以誨蒙
求旣憑藉於衆心亦謀明於獨得是標靈跡乃建豐碑
其詞曰

政化之理兮甘棠猶存寶乘之妙兮娑羅是敦欽厥道
成兮八相克尊感乎示迹兮一歸可門與 俯合緣兮
榮落同時歎尔化生兮感變誰思休徵各徵兮伺察不
欺流俗莫識兮綿曠驚疑土人西還兮觀止增悲發皇
靈應兮堅固在茲方國傳聞兮想象悽其迴首正信兮
頂禮護持優曇千年兮曷足議之

開元十一年十月二日建

刻石東海元省已

李公邕在唐有詞翰名其所書娑羅樹碑尤奇余浮
淮問之無有也豈遭兵燹邪吳子承恩偶得舊刻一
紙出以示余余讀而愛之夫泰和書法品者等河岳
固虔禮清臣之匹乃比茲樹於甘棠中多名言云吳
子从衛善書法以爲此北海真筆中脫十餘字今所

傳者多廣木耳余刻諸石李書不見海內卽蒲城雲
摩碑久斷劉公遠夫用鐵束完之而楊用脩以爲有
神物護持安知娑羅之存顧不有神乎且徐公子與
書來言二吳高士咄咄伸舉設搨待之可也余懷日
苦水旱深愧其言今碑成于二仲之手亦郡益奇事
也

明隆慶壬申秋日

沔陽陳文燭藁

張弼曰其末曰一歸可門可門者何門也考說文誰
何之何本單作可其从人者則爲僖何之何易何校
滅耳詩何蓑何笠爾雅何鼓謂之牽牛是也後借爲
誰何之何更以擔荷爲僖何字字日繁而忘其本矣
此文以可爲何可見開元時文字尙存古法

金石文
字記

去臺懷二十餘里有古樹高二丈許枝幹盤虬相傳
爲娑羅樹也廣韻作杪權盛宏之荊州記巴陵縣南
有古寺僧房床下忽生一木隨伐隨長道人移房避
之木長便進但極婉秀有外國沙門見之名爲娑羅
也彼僧所憩之蔭常著花細如白雪段成式酉陽雜
俎天寶初安西道進娑羅枝唐李邕楚州淮陰縣娑
羅樹碑娑娑十畝蔚映千人云云洪邁容齋隨筆宣
和中向子諲過淮陰見此樹今有二本方廣丈餘蓋

金石錄卷之十三
非故物矣吳興芮國器有從沈文伯乞娑羅樹碑詩云楚州淮陰娑羅樹霜霧榮悴今何如能令草木死不朽當時爲有北海書荒碑雨侵澀苔蘚尙想墨本傳東吳正賦此也

高士奇扈從西巡日錄

右娑羅樹碑娑羅本西域之木不知何時移植淮陰土人莫之識也武后證聖中僧義淨還自西域過而名之開元中李北海始爲之記碑石久亾明隆慶壬申沔陽陳文燭知淮安府得舊搨本重刻于郡齋陳所得者褻界之本卽用橫石刻之故行款皆失其舊唐人碑惟國子學九經橫刻取其便于諷誦此外無

橫刻也余本有食遮切之音茶从余聲尔疋檟苦茶卽茶茗字也茶乃茶之省文流俗誤分茶茶爲二此碑茶毗字作茶可見唐人猶識古音也邕自海州刺史新舊史本傳俱失載碑云州牧宗子仲康者高平王道立之孫由主客郎中出爲楚州刺史其云司馬宗子景虛則宗室表所未載也竇誠盈官至青州刺史見宰相世系表金石錄有張松質與李邕書碑所載邕宰清河張公松質卽其人也

潛研堂金石文跋尾

按李邕書各碑題銜皆有可疑者少林寺戒壇銘開元三年立是邕左遷括州司馬時而題括州刺

史已於彼碑辨之詳矣葉有道碑開元五年立亦
題括州刺史又於彼碑闕疑識之修孔子廟碑開
元七年立邕撰文而題守渝州刺史史不載此官
惟雲麾將軍李思訓碑無立碑歲月題銜及姓名
俱泐然傳世已久信是邕書固無庸辨此碑立于
開元十一年十月以邕傳稽之當是由括州司馬
與起爲陳州刺史時以下文帝封太山還邕見帝汴
州事在開元十三年則十一年當守陳州也而碑
乃云海州刺史此碑係重刻本不能信其無誤假
使不誤則邕碑之署銜與史不合者多矣太平御
覽引魏王花木志曰娑羅樹細葉子似椒味如羅
勒嶺北人呼爲大娑羅此碑文云至若泥日法會
荼毗應身妙有雙樹之間喻堅固之神造云云翻
譯名義集云娑羅此云堅固北遠云冬夏不改故
名堅固西域記云其樹類斛而皮青白葉甚光潤
四樹特高華嚴音義翻爲高遠其林森聳出於餘
林也後分云娑羅林間縱廣十二由旬天人大衆
皆悉徧滿尖頭針峯受無邊衆間無空缺不相障
蔽大經云東方雙者喻常無常南方雙者喻樂無
樂西方雙者喻我無我北方雙者喻淨不淨四方

各雙故名雙樹方面皆悉一枯一榮後分云東方
一雙在於佛後西方一雙在於佛前南方一雙在
於佛足北方一雙在於佛首入涅槃已東西二雙
合爲一樹南北二雙亦合爲一二合皆悉垂覆如
來其樹慘然皆悉變白此碑所云皆本此也



